

義

縣

志

五九〇



四十	卷中	第十六冊
藝文志 中		

133537

藝文志

義縣志中卷

目次藝文志

碑共一百十四篇

北朝魏

萬佛洞碑

萬佛洞東塔下石洞碑

遼

大遼義州大橫帳蘭陵郡夫人蕭氏創建

靜安寺碑銘

金

宜州廳峪道院復建藏經千人邑碑記

宜州大奉國寺續裝兩洞賢聖題名記

元

重修敵樓山天宮禪院記

義勇武安王廟碑

大元國大寧路義州重修大奉國寺碑併

序

大奉國寺莊田記

明

關王廟碑

關王廟碑陰

武安王廟碑

重修萬佛堂記

修補大奉國寺聖像碑記

重修城隍廟碑記

重修義州奉國寺碑記

重修倒座觀音碑記

重修本郡城隍廟碑記

維大金國義州開義縣淨勝寺誌鐘之碑

遼陽鄉賢祠記

褒功祠碑記

清

義州重建真武廟記

重建義州城隍廟碑記

建三皇廟碑記

天仙聖母香燈念記

重修義州城南門外關帝廟碑記

重修義州大奉國寺碑記

重修真武廟碑

大碾盤溝古人老虎關重修朝陽寺碑記

義縣南郊祖師堂碑記

火神廟殿東碑記

裝繪祖師廟碑記

重修八寶山雲統洞觀音堂碑記

裝繪關帝君碑記

皂君廟碑記

重修關帝廟鐘鼓樓碑記

三皇廟碑

南關關帝廟碑

關聖帝君碑

新建牌坊及鐘鼓樓碑記

新民屯重修觀音寺碑

重修戲樓碑記

重修奉國禪林碑記

重修城隍祠碑記

天仙聖母廟碑

重修義州奉國寺碑記

祖師廟修製山門執事碑記

重修藥王廟碑記

義州嘉福寺重火神皂君酒仙碑文記

增補蟲王廟碑記

建崇聖祠碑記

建崇聖祠碑記

重修關帝廟捲棚碑記

上帝廟重修碑記

重修娘娘廟碑記

祖師廟新蓋客房二間碑記

祖師廟換立旗杆重修廚室碑記

祖師廟新建神龕重繪殿宇刻雕匾對彩畫客房碑記

重建蟲王廟碑記

蒙古貝子重修關帝廟碑記

大碾盤溝增築藥王殿碑記

重修關帝廟馬殿及西廊碑記

重修三皇廟碑序

重修藥王廟碑記

義州重修嘉福寺及塔台碑記

補修聖像大殿捲柵配房重立旗杆碑記

八塔屯重修藥王殿碑記

重修財神廟碑記

重修三皇廟佛殿碑序

重修明倫堂忠孝節義碑文

大嶺屯關聖帝君碑記

重修上帝廟碑記

南關關帝廟碑

重修土地祠碑記

新建韋陀殿碑記

重修南關關帝廟崇聖祠碑記

義州東街重修奉國寺碑記

重修藥王廟碑記

娘娘廟碑記

義州火神皂君酒仙廟重修碑記

重修祖師廟碑記

修箭廳碑記

重修虬蜡廟碑記

大佛寺無量殿碑

上帝廟重修碑記

重修關帝廟碑

八塔子山碑記

清真寺碑

祖師廟揭瓦客堂東西耳房碑記

重修嘉福寺碑文

錦州重修文昌宮碑記

重立旗杆鞞鼓碑記

僧忠親王祠碑記

重修彌勒寺碑記

重修錦州魁星樓碑記

重修三報司碑

重修聖廟興工始末碑記

重修聚星書院碑記

重修大佛寺碑

創立義塚碑記

誥授奉政大夫理事同知銜前邑侯叔廉金老父台遺愛碑

誥授中憲大夫升任安徽廬鳳道前邑侯樹楷李老父台去思碑

重修奉國寺西下院碑記

重修南關關帝君廟碑記

重修祖師廟碑記

誥授奉政大夫理事同知銜花翎前邑侯

仲森高老父台去思碑

建立石棋杆碑記

欽加四品銜賞代花翎在任補用直隸州

准補復州調署義州知州汝公德政碑

民國

雙城縣忠勇祠碑記

鄉賢胡君景星之紀念碑

義縣楊節婦劉夫人碑記

義縣楊節婦劉夫人碑記

義縣城南新民屯公益義舉碑記

聶彤階先生懿行碑文

蘇州府志卷之五

蘇州府志卷之六

蘇州府志卷之七

蘇州府志卷之八

蘇州府志卷之九

蘇州府志卷之十

蘇州府志卷之十一

蘇州府志卷之十二

蘇州府志卷之十三

蘇州府志卷之十四

蘇州府志卷之十五

蘇州府志卷之十六

蘇州府志卷之十七

蘇州府志卷之十八

目錄終

義縣志中卷

藝文志中
卷中

碑

北朝魏

萬佛洞碑
太和二十三年

維大魏太和二十三年歲次己卯□□□月八日缺諸軍事平東將軍營州刺史元景

上為缺皇帝陛下敬造石窟一區缺天靈覺冲虛非像無以答其形妙門潛寂非唱缺

生滅味識於慧且將以輪迴塵網纏眼辜弊缺釋加如來契慈心於曰初達妙致於遐

劫缺指慧舟以拯溺夷且濟艱人天仰德功盖缺我皇代受命□□□日受景福增禦

聖缺皇帝陛下誕奠缺高振古遊神虛宗缺興援及州鎮靡不缺况景藉蔭洪基根缺

土雖麗直同徽石之固於州城東北一百缺暨浩蒼右帶龍川臨清流以蓂穡背循巒

明可以軌矚東民信之成訓禮然存道久缺皇帝陛下資化無為一同率土享祚齊

明元皇帝栖神常住降及一切普沾缺是詣速證大果又願已身并諸屬缺文靡述

國之休仙無可稱乎故於缺玄覺體空真缺公誰究竟悟茲缺空有周照無缺調風灑

澤懷缺詳陟太合想作缺彫巖鏤館缺建茲華窟投心請慶佈願聖缺上願明元神栖

妙宮受道缺

萬佛洞東塔下石洞碑大魏景明三年

員外散騎常侍昌黎韓貞

前達億郡承派連式軍主呂安辰

夫至道無名故顯名以內真缺難假文像以明德是以如來缺以濟萬顏大推隨石骨

缺更陶棠造品物以享者也斯缺之缺何尤聖之師光缺自北刊石荊山缺真容將來

曦蠡缺嗜恒於是上缺軍主呂安辰隊主劉都缺張惠楊凱胡堤等七十四人邀府缺

之途覬一豪之善有正曰感於夷方之嘉缺之西連缺私缺寶是以暉束徽塵缺來之

因果缺上鍾景明下及缺虫缺無二聊記年月也

玄樞至妙太虛缺文缺悟泉淪滅缺鑿集

大魏景明三年五月九日造

尉前缺使員外散騎常侍昌黎韓貞 賢者劉護堤

前達億郡承派連式軍主呂安辰 隊主劉都

隊主張惠 隊主劉福書丹

遼

大遼義州大橫帳蘭陵郡夫人蕭氏創建靜安寺碑銘咸雍八年

耶律興公

五都錯峙帝宅尊乎中土則大定之分甲天下焉三教並化皇國崇乎至道則梵刹之制布域中焉苟或就風雨交會之邦闢龍象棲遊之境法興地□可得而言若夫迦文示寂之餘招提奉像之設締構獲其善報供事植其勝因則歷世建寺之文道之常矣今畧而不書但叙茲地權輿之事今□太祖天皇帝總百年之正統開世之寶□公族衍盛枝葉芬茂故南大□諱璟郎帝之房孫也故左金吾衛上將軍知諱寧郎公之長子也故檢校太師左千牛衛上將軍知涿州軍州事諱昌允郎金吾之子也協輔王室許國之勳郎著並啓土宇烈壤之錫斯在天邑之北僅餘百里則公之故地焉嵐凝翠疊日佛山山足民屋聚居若郡邑之大曰義州今蘭陵郡夫人蕭氏主之郎太師公之妻也太師毓慶戚閑諱心□佛乘車暇日以有思□憑高而肆望延岡委迤環甲第以遠周孤嶽崔嵬枕閑田而下廊遂卜此地肇開勝藍雖經始之謀有先而考終之期奄速夫人抱未亡之永恨緝已墜之遺功發大勇猛之勝心資不思議之神力由是斲險爲坦堦卑就寬長木下而翠色移貞礎出而雲光破風斤疊運遠谷回音雷杵高相寒泉交響金者冶鋤者陶壁者圻材者斲彩者繪隅者塗衆工銜勤百事偕作起於清寧八年庚子歲成於咸雍八年壬子歲辰次一周元功告畢中其殿則曼荼羅

泊過未七佛明□高僧之像在焉雙其樓則修拓路藏泊聖賢諸傳章疏鈔記之部

在焉遠侔東土則震隅設會者□樂師如來近擬西方則兌位表形者□彌陀善逝至
於十方寶相五佛粹容皆極其其端嚴曲盡于妙□凡法堂僧宇廚室困房泊廩庫客
次靡不備有皇皇焉信解脫之闡域功德之藁林者也待其山月初霽巖雲開半飛搖
金碧之輝動盪烟霞之色回簷落影暑氣由是夏銷門桷排空殘照于焉夕挂輪奐之
盛可勝道哉先是□夫人之長男輟供職于行朝委都征于雜務得佛牙一顆大踰方
寸牙上得舍利七百餘粒若珂□之質寶壇光射疑國兵之未分甃灰色交訝海龍之
反施夫人且曰遺□蘊安葬是崇苟非堅固必貽後悔旁出乾位有孤峯嶮焉碧石嶽
峯固□巔末遂募工鑿鑿深逾數丈石之開有文若花葉紛敷之狀厝窆之日衆數百
人約而集雲有祥雲華地彌覆其上逮至吉時則陽景舒光不差晷刻葬已□合郁郁
如初遠近見者咸警異之時咸雍五年九月九日也明年十一月既望□前後共三夜
光氣燭天見者數千人復就石龕之前架一小殿則三聖八像阿羅漢之容悉皆具焉嗚
呼智者始謀爲利斯永善人作事獲福自多每至□暘谷欲暝曦輪將墜舍利之影落
覆邱塋則太師公之遺墟承蔭其下若非巧人心匠神開志端則揆事之長孰能與於
此凡巨細之費餘於二萬緡□□□之績就於十二載工徒之役算日酬庸驅籍一毫
不取皆賢夫人鬻匱飾減衣御之爲也寺旣成必假衆以居之遂延僧四十人有講則

復益二□□僧既居必資食以既之遂施地三千頃粟一萬石錢二千貫人五十戶

牛五十頭馬四十匹以爲供億之本咸雍六年冬事達黠聽上用嘉之勅賜日靜安寺

獎勤意而賁山藍也恭維夫人以慈□接物類以冲澹卻世紛斷而後行力致者皆爲

軌法仁以成性身至則自是道場遂能挺不退之至誠集無上之良福與夫桂陽追愛

起崇義于隋朝陳妃施財造逮元于晋代固可同年而語矣夫人二子長日佶禮賓副

使銀青崇祿大夫檢校右散騎常侍同知利州事兼部內巡檢次日特里德皆根乎善

本協彼勝心宏助之功詎能詳述大哉敝阿蘭若之靜姿像薄迦梵之遺形所祈者聖

祚垂鴻固蘿圖于浩劫羣靈獲祐趣花藏于他生又何止延九族之修齡薦三代之冥

福而已哉興公才非半古識不照隣自服爲吏知勞頗滯攻文之思茲承勤請未易固

辭撫實寶坊既盡一時之勝槩□英珉篆願垂千古之休聲銘日神邑浩壤六街綦布

雖敝釋宮不無重圻□峯幽寂萬載□閑雖開禪寶是勞躋攀帝輦□賒川岐易造能

闢勝場乃得中道都會百里嵐光數程山參而□崗橫如平□□夫人上茲佛地構瑰

琦規模壯麗正殿巋立危樓對森烟梵凝碧朱甍疊陰寶像中存□□攸見月伴高佛

雲□□□孰□□土□開□□□祐睿君□□含識□庇我華宗資乎幽冥

金

宜州廳峪道院復建藏經千人邑碑記

皇統八年七月

東海徐卓

佛經者西域天竺之迦維舍衛國淨飯王太子釋迦牟尼之所說也太子當周莊王九年四月八日自母石脅而生及長舍太子位出家苦身學道精進六年以來覺悟一切種智故謂之佛佛在世垂化四十九年至於天龍神鬼無不聽法後至拘尸那城娑羅雙樹間二月十五日入滅度其弟子迦葉與阿難等五百人等共追撰述綴爲經教行之西土千百餘年自漢已上中國未傳逮及明帝夜夢金人飛行餘殿庭以問朝臣而傳毅對曰此佛也帝遣中郎蔡愔秦景奉使天竺求之得佛經四十二章及釋迦立像并與沙門攝摩勝竺法蘭東還愔之來也白馬負經因立白馬寺於洛城雍門西以處之而後魏晉宋齊之間梁陳隋周之際聖賢繼至經論日滋浸興於姚秦羅什大備於李唐元奘由是空門興教與儒道爭衡下至五代降及宋遼歷夷險而其教彌光經隆替而斯道愈振凡所貯藏有五千四十八卷故名曰藏經廳峪者乃遼時與律祥袞家之墳所也其家世積善遂卜勝地以建佛宮置以藏經其來也久雖貯於此未見宏揚先是忠顯校尉顏壽因此地之是歷觀斯經之不宣乃約土人共齋物用請名僧數十人長穿開讀至於皇統六年十月七日無何爲火災所焚其餘屋舍掃地皆盡大凡事久則絕絕則有時而繼物久則滅滅則有時而興然則繼絕興滅非其人安能爲之哉

郡人馬祐者乃逸士也遯世高蹈卜居相隣自觀煨燼之餘基誓發繼興之大願遂與舊邑人顏壽等親爲倡率轉相糾合乃得千人立爲一社衆推馬祐爲邑長以顏壽爲提點募錢易經鳩工構藏隨其卷帙貯以櫃匣其餘佛屋僧廊次第建立庶幾法無凝滯人獲頂傳上以報皇國之恩下以資吾邦之福且走一介求記於余余亦里人也既聞其善喜不知極以筆書之俾勒諸石皇統八年歲次戊辰七月十五日立石

宜州大奉國寺續裝兩洞賢聖題名記

明昌三年正月

奉使禮部
尙書歷陽張

邵

自燕而東列郡以數十東營爲大其地左右巫閭右白雲襟帶遼海控引幽劍人物繁夥風俗淳古其民不爲淫祀率喜奉佛爲佛塔廟於其城中棋布星羅比戶相望而奉國寺爲甲寶殿穹臨高堂雙峙隆樓傑閣金碧輝煥潭潭大厦楹以千計非獨甲於東營視佗郡亦爲甲當亡遼時寺有僧曰持進守太傅通敏請慧大師捷公以佛殿前雨廡爲洞塑一百二十賢聖於其中飾以象彩加以塗金巍峩飛動觀者驚竦而四十二尊莊嚴未畢自遼軋統七年距今三十餘歲矣聖朝天眷三年沙門義摧以遷爲寺主乃與尙座義顯都和義謙議續而成之諮於寺衆謀於郡人不期而同皆以爲可計四十二尊衆夥塗金裝嚴之費約用錢千萬於是本郡節度使鎮國上將軍高公聞其事首以清俸助緣餘各施金帛有差鳩工庀徒徑營有序乃以檀越爲名氏依施財先後

爲次列於碑刻用告來者

元

重修敵樓山天宮禪院記

至元二十六年

僧顯 月

如來正法東流震旦岐而爲二曰教曰禪教以軌持爲義禪以了性爲宗致用雖殊其揆一也達是理者其惟譙公禪師歟師諱慧譙江淮楚地人也爰自幼歲投師出家後因大元一統飛錫天都稔聞夾山順公長老道風孤潔繼而師之戮力叢林奉師恭恪天姿敏達夙稟慈惠洞曉五經研窮三藏六時坐而無倦一食齋以自資二十受具專守戶羅晨夕專一所事者觀音大士也歲在辛酉乃聞閩山勝遊義州賢聖遂滌志游禮而返憩止惠州觀其西南巔峯峻拔四聖盤鬱道友躡躋而登止於敵樓山之地則有古址殿宇額曰天宮惟設觀音神像而已於是面奉慈顏益加精謹乃結廬而止未逾半載四衆雲臻不啻三年悉爲之備復完紺殿金碧聖容供器新鮮香燈整肅齋魚粥鼓晨鐸暮鐘及鐘樓方丈僧室山門香積雲居廩庫賓館皆創構之又于寺之四顧置莊地可盈百頃牛畜羸馬亦近百餘淨人佃客春耕秋耘粟麥豐盈以延四遠經書佛像各設龕函種種莊嚴其端非一檀越欽仰徒衆瞻依遐邇道流往來如市歲丙戌間不遠千里叩矛之丈室懇求諮訣乃見其機鋒峻利知是法器謂曰獅子窟中無異

獸象王行處絕孤蹤遂左提右挈痛下鉗鎚深獲契悟遂以印證衣領付之俗壽六十八僧臆四十八僧俗徒衆可滿百數長曰元聚一日造關而相告曰老期至矣自卜居創業以來寺門內外似爲小備欲刻諸石以記其事乞師一文不亦可乎辭讓不已置爲記之至元二十六年立石

義勇武安王廟碑

至元三十年三月

大寧路利州儒學學正陳忠遂

夫人生所甚重者身也得而輕用者忠與義也先其義後其身者仁也身可殺名不口社稷之臣也其生也有所自其與也有所爲故尙父起渭水周瑜發盧江傳之今昔非口我所欲也二者不可得兼舍生而取義者也是欲也寓于尋常之間而充乾坤之內口失其儻來之富卞莊失其天生之勇留侯失其異人之計是誰使之然哉其必有不托口乃存不隨死而乃滅者矣故天因人而成事地因人而爲靈幽則可以爲鬼神明則可口祚旣微之後鼎峙之勢已分而先王據益以爲蜀雖以斗絕一隅之地而得統最正况口于隆中明其治國之體宜乎一時人才湊集彬彬可數內則有郭費之志慮忠純裨闕行淑均曉暢軍事所向無敵也雖然獨我曰義勇安王躬務抗節志期舍生故能口鼎鑊其如歸履危亡而不顧又能上叩天關進藥石之謀石可轉也不可奪其正身口報効曹公凜凜乎有國士之風奮乎千古之上逮乎千載之下不可得而泯

滅者此豈□□論天人之說以涓人無所不至惟天弗容其僞信可以欺王公不可以欺豚魚勇可以兩王之精誠能結先王之知而不能度呂蒙之詐能怒黃忠之同列而不能抑費詩之善終之危蓋王之所不能者天也然生則威聲振于華夏議徙避□□則徽烈彰于天下廟食百在人皆信而敬之逮夫有宋鹽池之變蚩尤之害□□能成矣非□□王之一念精誠彰顯于幽明之間而能至是耶義州卜地于城南三里□□于畢功于丙子始終五六十一年之間其信心者多矣義人之者□□王也飲食必祭王去國數千里而義人立廟而而祭祀之其未必鑒享于此也審矣余曰王之神□□在也而義人信之甚篤敬之甚專獻香致祭如或見之廟成求文于碑辭曰

漢之方徽 臣不竭忠 漢之既徽 鼎峙勢雄 先主王蜀 待□□□ 撫恤卒

伍 華夏威聞 心懷兼并 終絕驕逸 恩信懷人 偉□□□ 儼然徽然 竹

帛有名 義人立廟 敬心圖久 神如鑒 祀誠□□

大元國大寧路義州重修大奉國寺碑并序

大德癸卯歲 秋九月吉日

將仕郎河東山西贈肅政廉訪 司承發架閣庫管勾兼管照磨

盧 懋

夫佛法之入中國歷魏晉齊梁代之張皇其教降而至于遼割據東北都臨潢最爲事佛遼江之西有山曰醫巫閭廣袤數百里凡風開地衍林茂泉清無不建立精舍以極工巧去巫閭一驛許有郡曰宜州古之東營今之義州也州之東北維寺曰咸熙後更

奉國蓋其始也開泰九年處士焦希贊創其基其中也特進守太傅通敏清慧大師捷公述其事終也天眷三年沙門義擢成厥功觀其寶殿崔巍儼居七佛法堂弘敞可納千僧飛樓耀日以高撐危閣倚雲而對時至今賓館僧寮帑藏厨舍無一不備焉旁架長廊二百間中朔一百二十賢聖弁冕端嚴劍矛森泮勢若飛動狀如恚嗔髮豎冠衝奮扛鼎移山之力目閃眦裂赫鞭霆御風之威使觀者悚然佈懾莫敢而前亦可謂天東勝事之甲也未幾義□□起遼金遺利燬殆盡獨奉□子然而在抑神明有以維持耶人力之所保佑耶方天造草昧人多殘暴金紫光祿大夫兵馬都元帥王公夙鍾文武之資適際風雲之會榮膺寵命屏翰是邦絕百年營繕之勞忍一旦毀殘之易即命麾下士常加巡衛號令嚴明莫敢犯者既而僧政雄辯大師楊公久慕空門丕弘佛教抑又極精力罄泉貝加之修葺故得保完如昔噫向非金紫公外護力已爲當日之寒燼又安得今日之壯觀乎師旣捐世弟子弘宗濟大師大公克嗣前修罔墜舊業常思持守之艱難弛憂勞之志其奈風亦颺之雨以淋之日以炙之雷以震之鳥鼠之所穿彈丸之所擊歲逾久日益遠簷楹不無朽腐梁棟不無垂撓級塼不無摧折泥飾不無剝落又經庚寅地震欹斜騫崩殆不可支公慨然復有興工之願計其費不啻□千萬緡謀諸緇褐謀諸耆壽皆末如之何物之興廢自有緣會適遇普顏可里美思公主帝

之堂妹駙馬寧昌郡王世族元冑發上願期立殊功迺施元寶一千錠繒帛馬牛數亦稱是續降之物不可勝紀于是陶瓴甃輦土木尼工興役危者持之顛者扶之缺者補之漏者覆之朽鏝之功必精赭堊之飾必良未二周星殿閣堂廊連延數百楹燦然一新俾學者有所歸依游者有所瞻仰緇徒接武雲侶差肩食于是息于是優游厭飫伊誰之力歟公主聞之甚加矜賞級遣使遺送錦袍朱蓋金幡寶翠珠翠寶花庸飾佛壇儀衛仍躬詣禮佛繙閱藏經七晝夜罷散師僧佈施尊卑有差其見敬禮也又如此大德癸卯秋宗□大公招集門弟謂曰功已畢矣願已償矣人生百歲予將七十死無所憾但恐公主駙馬平日爲佛門事日遠汨沒後世不可得而知將已刻之琬琰以永其傳若何僉曰唯唯即命僧執簡來謁遼尹王少中子溫子溫金紫公嫡孫也與予爲同舍友託予爲文不可得而辭援筆序其事之本末而爲之銘層巒岌岌兮閭山之形流波□□兮凌水之聲崇庸屹屹兮古之東營桑麻蓊鬱兮壤沃田平旣庶旣繁兮賦薄徭輕家給人足兮善心斯生繫精蓋相望兮極一工巧一區爲冠兮曰奉國希贊肇基兮捷擢終厥績棲觀縹眇兮輝殃乎金碧於戲哉劫灰飛兮海山空彤廷紺宇兮焦壁紅嶷然獨存兮惟斯宮時方板蕩兮多羣雄好生惡殺兮金紫公命卒遭邏兮于其中故得保完兮曩昔同釋曰雄辯兮旣起其廢弟子大公兮復當其壞物有數兮緣亦有

會適遇大檀那兮天子之妹念富貴幻夢兮歸依妙真期大國圓成兮思弘勝因捨捐
泉幣兮幾百萬緡補缺扶危兮公故成新主恩隆渥何可忘兮撞鐘擊鼓禮法王兮神
通庇大垂禎祥兮皇圖翼翼繫苞桑兮瓜迭綿綿本支昌兮石可轉字可隳福無疆兮

大奉國寺莊田記

至正十五年六月

東營鄉
貢舉人杜克中

蓋聞天之道地之利所以養人也養人之本舍農事何以哉用之士可以崇其道用之
工可以顯其藝用之商可以豐其財用之有生萬物可以遂其性此通古今之論合天
地之宜也時乃有士道之崇工藝之顯商財之豐物性之遂得不本而用之哉釋氏宗
淳之住持奉國也補罅而葺漏持危而扶顛汲汲皇皇未嘗輟作越明年息役休工父
老過之而嘆曰舊觀之隆可得而續耶一日偕提點定資詣環堵而告余曰寺之美
莊在郭西在水北在山陽者所據不一會計總得良田數百頃蓋繇前代宗師捷公以
下四三人一乃心力倡和佛門事大始廣成之苟能維持是主張是藉其祖之所入亦
足供齋粥之具其外不復他求也我之徒始言一善終歸一善然必自勞苦感之服役
得之無爲而保守之到此地位非只叢材一僧而雖曰不耕而食其功則過於農矣
於今百有餘年所謂優游而厭飫者乃其時也亦當思其所自是皆非我之所有師之
恩與田之力與否則日操瓶鉢而於市猶不地着之民矣嗚呼日月逝矣歲不我延寺

之廢興與田之存歿未可知也縱有存者又恐爲敗家兒權勢子之所粥奪也昔之人惜尺寸之土不以與人尙區區爲貴臣辨況此之尤大者乎子盍爲我 之余嘉彼請能推其養人之本合天地之宜而用也因答之曰子之言善豈吾儒所言之善與抑而善與吾儒之善強行而不息有變氣數厄厄之理何況於田乎子誠以善服人以善信人後人師子之道亦莫不然安有粥奪之患乎若夫垂世立教前人固已行之至於克勤無怠正在子 今日之所當勉也宜表而出之敢有不昏作勞不服田畝越其岡有黍稷惟耽樂之從侶此之人檀越得以議之法眷以得訟之院門得以點罰之當此之際莫謂院門廢其人是其人之自廢也噫是言也不特警於緇褐凡於食土之吏受直而忘事者亦莫不知所警焉淳曰然俾刻之石貽之子子孫孫庶永終不墜于厥緒記

明

關王廟碑

明正統十年歲次乙丑秋九月重陽日

前翰林院侍講同修國史禮部郎中廬陵胡

檀

義州古營州支郡也舊有關王廟在城西南元至元中所建歷歲茲久寢用圯壞正統八年春都指揮使今陞都督僉事施公聚來守其地覩廟貌傾欹弗稱瞻仰意謂王以絕倫逸羣之才當漢室傾頽羣雄蠡起之際識照烈而翊載之紹延漢祚而明君臣一定之分遇難曹公不爲利誅以決去就忠肝義胆屹然不拔其歿也豪傑英偉之氣無

時或息其陰相餘烈加於生存者殊多而吾提兵數載邊塵不侵豈非王陰翊默相之所致歟乃發虔誠志在修復於是捐俸金構真材庀事僦工輦石陶瓦仍先期走白總戎都督曹公義太監亦公失哈副都御史王公翽僉都御史李公純參將劉公端詢謀僉同諸公又各捐金助之施公乃因其舊址悉撤而新之棟宇加於前而美不踰其制光華增於昔而人不知其勞衣冠像設金碧輝煌儼然王者之宮觀者莫不起敬焉是役也經始於正統甲子之夏五月落成於明年春三月工既告成總絨公乃具其始末走書翰林囑余記之余惟忠義者天下之大閑良心者衆人之素有惟大同有是心故知尊札崇奉廟而祠之百世而下宮居血食袞冕而王宜矣哉但世教下衰祠福倣動之說興淫祀妄禱惟知我祭則受福抑豈此理也哉孰謂神願而享之耶雖然祭法謂能禦大災捍大患則祀之若王之威靈氣燄正合祀典而功德之及於當時聞於後世者一忠義之心耳若施公之修役與夫總戎諸公之贊畫相成皆能極大忠義之心以崇尚慕效是亦高山仰止之意也豈淫祠妄禱滔瀆以徼福者比哉故書其事使是邦之人知聖天子在上百神效職羣吏用命而遼海之人得以蒙其福澤者有所自焉

關王廟碑陰

明正統十年

備禦遼東都指揮僉事 楚 勇

王廟碑記廬陵胡公橿記之詳矣但徒知王之遇操爲之報效是論其事而未 其心

也蓋王之遇操者天也而王之不屈節曲從者義也觀王對操之言誓與劉將軍共死
生義不可背之是動操以義不可背漢也發此言有此心不獨爲操之箴規實乃爲後
世人臣輕去就睥睨神器者之鑒戒也故操終其身而不敢即真者王之言有力焉是
宜生王亡神萬世享祀也宜哉故叙其碑之陰俾後來有所考證焉

把總指揮同知劉清

義州衛指揮使馬斌

同知田旺徐永陳剛白玘

僉事潘成

孫得莊溶張剛陳璽知事羅穆金貴

衛鎮撫趙鼎王政

千戶呂剛張輔王榮張永

史鑑袁玉白義席貴馬忠吳倫孫禮王玘

百戶王繼方勛白清陳剛劉雄魯諫張慶

許鑑柏旻耿得陳永奚道牛旺劉秉黃政戴寬黃紀

廣寧後屯衛指揮使楊安 僉

事錢銘史觀馬勇

經歷王思誠衛鎮撫余謙陳勇

千戶劉真趙銘任敬鍾鉞胡敏

劉清步貴

百戶包勝李受洪麟劉榮舒太韓裕管修百戶陳謙

儒學訓導徐輔士

人史祥梁德玉梁寬賀旻曹海胡琦朱旻王璫馬俊王政

傅香燭人易貴裴全高廣

慶

木匠易順易安曲旺

泥水匠周洪亮趙蠻狗

漆匠王友單禮

畫匠周福性

宋信李茂呂凱趙俊

石匠朱貴韓中杜海張勝薛文趙麟肖洪朱長孫牛貴董二

鑄書人張仕貴

武安王廟碑

嘉靖八年歲在己丑
仲夏五月上吉立石

古宜之東三十里有堡曰永寧左帶細河右峙巫山居民百餘家者歲時獻祀有廟焉其神曰武安王禱而輒應居是土者莫不崇敬而不敢忽比來棟宇傾頽垣壁漶漫不堪妥靈舊矣居譚欽莊閩等首倡復新之舉乃曰福於吾人吾人依於此神苟不修廢易舊何以慰神遂與同事宗剛莊整郭通等各捐已資鳩工聚材陶瓦運甓興工於嘉靖甲申三年三月落成於己丑四月事竣走幣於予以記之予曰美事也不可辭夫凡神之無益於民不顯於幽者咸除之况武安王在三國時輔翼漢室威振華夏氣概凜凜迄今人不泯廟而祀之宜也雖然永寧之爲此舉特濫觴者與今天下之大而郡小而邑一鄉一村莫不祀之非以崇諂瀆徼福祉貴乎王之忠義也貴乎王之正直也貴乎王之方剛不屈也足以警薄俗而勵頑鈍者在是至於禦災捍患又王之餘事也此舉信美事也遂書之使刻於石云

重修萬佛堂記

嘉靖十二年十月吉日立

義州廣寧後屯衛儒學
延安府安口縣教授

馬環

義州城之西北隅有佛寺焉歲久惟佛勒於山巔巉崖之間數以萬□曰萬佛堂因以

□□座遺址甚計亦剝落彫敝僅留規模始建之由舊勒蔑徵歷世變遷□□兵火縱

□□□□之華美迄弗能復殿宇廊廡僧舍山門俱傾圮不忍觀國寺萬□□□□

□□□□僉謀克合遂出數年力田所獲之粟貿易材木鳩工積資重修伽□□□□

營伊始共費十餘萬貫肇工於嘉靖辛卯十月吉日訖
煥然一新郡之縉紳耆民聿然改觀用設釋像神獸崇
餘尺雕鏤之功彩繪之飾仍舊貫也正殿禪堂山門以次漸
命使臣與夫四方名宦往來行旅之過是郡者莫不

停蓋佇騎縱懷賞飽山水之遺之真事方竣矣不可無文以紀乃謀諸宗戚
庠生王世白修造始終無欲心至是年已七十有八其徒行福

昔年又引刀斷欲幾不有其因不辭其請而告之曰釋家者流
以絕欲離羣為本以興建莊嚴之所為者亦可以無愧

於沙門之教而為緇衣之巨擘歟且不惟其倡其教以感諸人用
能以大勝力成大法果非入佛三昧者能若是乎余其故為之記後之

繼行福而居是寺者尙當審於斯焉 倡曰 大魏太和二十三年建立古刹寺不堪
記千二百二十六 嘉靖十二修再纂

義州廣寧後屯衛儒學延安府安縣教授王琛篆額 吏部聽選生邑人潘福

書丹 儒學晚進生邑人杜士信

修補奉國寺聖像碑記 嘉靖十五年歲在丙申
五月二十四吉且立石 第五代
前往持

郡古宜州列於東營也寺曰咸熙以立剏名後更義州寺為奉國初建其時大遼聖宗

開泰九年處士焦希贊觀察城之風俗設其塔寺廟基址者以爲之鎮耳其中也特進
守大傳通敏清慧大師捷公述其事終也天眷三年沙門義擢接工而完相越百三十
載餘矣大元世大德癸卯年帝之妹普顏美思公主同駙馬寧昌郡王共發上願其立
殊功乃施元寶一千錠繒帛馬牛數稱是續降之物不可勝紀也續修如故蓋世梵刹
宏巍者多莫過於此也茲寺曾經三災及羅地震無所壞者也意者其天乎今我大明
成化二十三年驃騎將軍右參將繆公雄謁斯視慶弗忍凋殘嘆前人創修之艱憫將
來摧頽之易捐己貲帛命工修飾未兩周星莊完備矣夫普天之下設此香火者端爲
祝延聖壽保國安邊而又演禮之所也近來像容色落墻綵頽隳今嘉靖甲午孟冬時
納子崇□及衆緇流欲修慶墜工大力微弗克底成如之何則可莫若諭諸□□乃發
虔懇告勸本處附近城邑募緣聚資命工補綴而煥然鼎新是以興心已遂具齋繳盟
於戲茲寺也由初至此年將千矣今刻石記而以告後來者

重修城隍廟碑記

嘉靖四十二年
癸亥辛酉既望

戊戌科
舉人鍾秀臧

援城之之設自周易而始有其名未聞有祀之者及馮尙見夢於漢帝曰奉天帝命與
王知領城□□陰事是城隍之神之始也後世傳染成風故凡一城一州莫不指一人
以爲祀如紀信之在寧□□□嬰之女江西是也歷代加封沿革不一有以公侯稱者

有以王爵稱者夫以可謂瀆矣迨我國朝爰立祀典革去封加止稱曰某府某州城隍之神其命名蓋甚正也猗與盛哉予州城隍廟□□□北後改之於此其建立之日遠莫能紀以廟貌及見者言之舊有正殿三間香亭三間大門三間□□□一張行神一龕鐘一架自嘉靖戊午以來廟貌損壞過半風雨不蔽塑像脫落香案行神門窗隔扇□□□然一空歲壬戌分守劉公恒齋以初服謁祀拜餘謂合屬官曰廟者棲神之所也今若此神何所依爾等俱地方□□□可怗然於心各官以民困始蘇力難頓舉上應故弗果至癸亥僧人本道奉國寺前住持也素有□□□仰思廟貌傾頽日甚謀諸善士張鎮寶欒陳柏李文舉王庭美銀椿馬文德呂文昇輩請於備禦□□□掌印史公陳公欲募緣修治僉曰此吾劉公之志也遂以事引白劉公欣然謂曰汝輩此舉允合□□□尙其各加勉力僧善唯唯聽命不期月而募事稍集營繕伊興正殿全壞者改作香亭半頽者□□□大門欹邪者更豎之神像脫落者歷塑之垣墉破沒者起築之甬路月台高倭不一者各平坦□□□之墻屋煖閣香案神龕門窗隔扇皆文飾雕畫之大門東又新增小房二間與侍奉香火居之規□□□麗氣象軒昂回視昔日傾圮者大不侔矣朔□□經始二月初吉繕其告成八月既望開遼勳裔馬□□□嘉其重修屬予以紀其事予聞之傳曰□□□依則不爲厲矧城隍威靈尊顯一境仰賴廟貌既

新□□外侮內患旱乾溝溢天拖疾疫必能驅逐晏然其太平矣謹以始末備勒於石

重修義州奉國寺碑記

大明萬曆三十一年歲次癸卯孟夏月吉日

河南通許教諭郡人累川

梁延登

金仙示教厥爲遠哉柱史紀竺乾之師山往陳天壽之文舍利侍禎貝葉呈異琳宮珠殿是輝紫碧於天壤寶像金姿遂豔法輪於世代爲上爲君假名祝釐爲下爲民飾回度衆遞相效尤莫可極止總之導愚迷而從善化頑得以祛凶覺勸下里慈悲浮世是猶有裨於治理不可廢也吾郡奉國寺舊有寺殿崔嵬創於開泰九年修於勝國癸卯年歷代修復不一高十丈餘內設七佛臨水面山突出雲霄之表朝暉晚靄紫翠千變望之若天上然佛宮布在四方不啻幾萬數□□□□□□□□□□名山大川求一聖刹若此未易多得而○○○○乃能有之○○○○歲久脫落殆甚兼之地方倉厥○理無知官吏以糧儲無積貯地每附歲餉於茲因循弊滋蒸濁沍氣浸漬內外垣屋圯而靡飾僧徒畏而弗拒米豆充積茗蘇斑駁鼠雀汗濁於遼臺蝸蟲篆蝕於門壁過者式望者增慨於時緇服常通願行監忍紹隆先事簡工市材舊像率皆五色裝嚴大非昔比乃奮志重修身操畚鍤親負瓦石又偕武舉史有裕義人徐大化輩募緣於城之內外捐貲協力共舉此後遠近聞者咸樂輸爲助約出百餘緡以泥金圖畫佛像燦然改觀背後北門風凌雨震仍設倒座觀音龕利穹窿構結嚴密寢風阻雨迸鼠去雀

後先亢爽觀深高明弘麗成臻精妙經始于萬曆二十七年七月十五日落成于萬曆三十一年二月初五日於時鄉武進士東山白君應召向余問曰厥功告成光復舊寺願請一言垂之金石以爲重余憶隋之際佛法爲盛宜之建寺多歷年所寺之圯而復振舊而復新修僅奉綿綿不絕得非佛之靈有以相陰之興若其轉迷途而登之覺岸拔苦海而濟之慈航使俗脫三惡八難身免十纏九腦所入皆淨土隨念即降生是當世其業浮圖之學者窮索其竄窳余道仲尼之道者也不相爲謀曷暇演無爲之教法辯金仙之苦海耶特其續來之服茹粗淡知□守僧規又能增飾增拓其殿宇以祝釐溲民社爲一事其心有可取者故備書之

重修倒座觀音碑記

萬曆三十一年歲次癸卯冬至月望日

庠生兌泉孫世捷

吾郡寺號奉國昉自遼金廟貌巍峩匪直甲一郡諸郡蓋寡儔哉歷年既久修治不一僧人常通素有戒行重修之工甫畢稔於寺衆曰佛背後倒座觀音法像卑小勢將傾頽奚堪崇奉廼募緣於寧遠伯李太夫人宿氏乃遍告一郡樂施助緣者爭趨附焉遂高大其規模更新其法像諸如五海龍神騙海羅漢地馱天尊微馱天尊取經唐僧救苦八難之象上下左右皆增置焉復設木柵禁人作踐丹掩映金碧輝煌工視曩昔不啻百倍洵爲久遠之偉觀也哉事既竣屬予記之余惟觀音之建何處無之無論

已窃以金臺之於正陽門左金陵建於洋子江中當必有陰翊皇明點相元元者在義
觀音之改作也豈小補哉矧大雄寺主慈悲觀世音主普濟尸茲寺者倘能解脫一切
煩腦阨障俾因於是途者有所嚮依若浮苦海而登慈航如疲險道而遊化域此傳衣
鉢者之責亦非余之所可知也是爲記

重修本郡城隍廟碑記

萬曆三十二年七月

河南開封府通許教諭邑人梁川

梁延登

太祖高皇帝龍飛淮甸奄有區夏於洪武三年革歷代之陋習凡五嶽四瀆暨城隍諸
神咸因地以稱號隨時以奉祀不因習舊弊以煥一代維新之治其見高出萬萬矣祭
南北二壇皆城隍配主之諸凡羣工至境末刻篆□告廟盟誓自是朔望必謁出入必
請水旱疾疫蟲蝗必禱有情屬曖昧歹辨而不解者一至廟前而不斯事關隱刑而不
輸者一涉廟庭而遂明其祀典其應響視羣神尤其密也於戲城隍之神莫詳始終然
肇于古史之造字又以周易繫爻城隍之有廟殆以棲配食者之靈祭城隍於配食之
廟猶明堂之配上帝云蕪湖建洞坊自赤焉□□祀着之良史則六朝隋唐以前固
以然矣我古宜東□土地饒於西陲舊有祠在城西北隅自成化始建□年既久修復
不一邇來風陵雨震傾頽殆甚難以妥神之靈而起蒸黎向上之機指揮高勇武舉史
有林戶侯□□陳表相王守劉川王孟時梁東卿趙天祐等以敬事神以義舉事而

謂衆曰明有禮樂幽有鬼神神非廟無所依必藉人以□□之人非神無以主必憑神以保障之幽明互藉神人相賴此古今不易之常道是廟之廢吾儕可漠然不修□告於鄉土富者輸財貧者效力羣藝奏技歹工稱良財靡帑出力罔防農正殿夾室左右楹門增建楔棹三大□□修修碧桶道聖土黜黜修廢舉墜雖不改其規而軒豁巍巖一時燦然改觀矣工始於萬曆二十五年□月落成於三十二年鑿他山之石請余以記焉若夫助緣之厚薄修工之姓名備載於碑隸

維大金國義州開義縣淨勝寺誌鐘之碑

萬曆四十四年三月十八日

夫齋戒持律講誦其書崇飾塔廟此佛所以教人也而其徒或者謂齋戒持律不如無心講誦其書不如無言崇飾塔廟不如無爲信如其中無心其口無言其力無爲則飽食嬉遊而已甘棠之愛猶或思之青旂之舊猶或守之况佛之遺歟佛有大施於萬世道不啻天地父母自汗十四葉入中國始聞其教迨夫齊梁元魏六代以來繇歷李唐迄於遼宋皆尊叢而祀供之雖事上帝宗廟無以進也是以地半於浮屠人半於釋子此遼西之白狼洞之海北郡蓋歷趙魏唐之所戍而遼始城之也附水面山物產明秀其俗淑□而不好佛事郡有寺曰淨勝有僧曰伏若尼也他術能直一鉢僧爾然其一念澄寂深沉自落自童稚落髮晝日力作以給水薪夜持膏薰以供其師投老益嬉志

不少殺雖曰不耕而食其勞苦過於農遠也寺原址於郡南會有水災父老遷之於郡是謂淨房院頃易以今名遼破亦尋廢國朝皇統中常常師作綱維復修講金飾像具後常立並建齋廊鍾棟三門得爲宗寺數十年間佚迹不墜常之力也邇來癘鍾尤甚實無能爲而區區一意猶有所屬常謂其徒曰寺鐘鈴鈸鼓無慮百色而鐘爲大得之於宣和玉宇間誠寺之鎮也先是閭山諸大利有陰覬之者重賂我之人爲連結幸而事破不爲彼有吁予旦暮行矣惟恐此鍾一去則痛寺之偕亡也令有一著雖不足以起寺之廢而猶足以壽其脉也就以此寺作十方道院□攝度之子無□住持則庶几維賢繼而已寺無徭債之負凡土用物具永不令售也遂刻石立銘以爲他日遺言張本□邑人聞而德之議爲千人常講之會少佐其高各紀氏名於後以爲其記云碑末載金太和元年歲次辛酉十月己亥十三日庚寅□刻□□□□背面載大明國萬曆四十四年三月十八日功德主王守仁重修

遼陽鄉賢祠記

按察副使徐景嵩

郡所在祠鄉賢于學宮勵來學也遼故爲郡顧獨無祠非缺典歟正德戊寅秋監察御史鳳陽高公鉞奉命按遼下車即垂意此舉值邊務方殷乃不果越今年己卯百度就緒人力用和自春徂夏膏雨以時公乃按志漢得三人流寓二人北海管氏寧平原王

氏烈襄平一人河內太守李氏敏國朝三人遼陽二人萬全儒學訓導張氏昇河南道
監察御史胡氏深義州一人戶科給事中賀氏欽論功與德感應祭法諸其不與是列
者俟論定而後入懼泛及也既已乃用前分守參議睢陽蔡君天佑議廼以遼左書院
之十賢堂改祀諸賢廼以十賢移祀於中堂蓋即寓祠於學之意也於是分守參政王
君炫暨太僕寺丞束鹿楊君睿協力同懷樂成休美凡屋宇之欹墜者階級之傾圮者
戶牖之破缺者治之則已力不重勞財不重費兩便之祠旣成二公乃以公命某爲記
辭之不得因竊歎夫諸賢之生之不幸也又歎夫諸賢之不幸乃有大幸也以諸賢之
功之德生於鄒魯宋衛諸郡將必與顏之仁仲之勇游夏之文學同不泯矣不幸棄置
是鄉淪於榛莽高風峻節下同凡人往來過者付之太息而公於案牘倥偬之際獨能
尊而事之以風示吾人俾巍然靈光如在其上如在其左右歲時薦奠敬恭登降如先
聖先師詎可不謂大幸乎雖然諸賢在天之靈固不以祠之有無爲幸不幸然今世之
士大夫之宦游吾鄉及吾鄉之士大夫之尙友古人者非祠無以致其嚮往也繼自今
苟有登諸賢之堂惕然曰某也可師某也可友拜其位則想見其人聞其風則思齊其
美雖或不謂之諸賢之徒吾不信也反是則自棄自暴而已矣而亦何顏於諸賢哉故
曰勵來學也嘗考吾遼地方自秦漢以來率爲郡縣我聖祖酌古立法乃以衛所易之

一時武備雄於三邊亦既效矣及教學校之教俎豆之習科第之盛無異郡縣容或過焉乃知聖祖睿意所寓蓋不專於武且將借文事以固吾圉也然則是祠之設豈曰小補之哉是爲記

褒功祠碑記

明翰林
學士 唐 皋

遼陽城西去未五里許有祠曰褒功故鎮國將軍遼東副總兵韓公斌之祠也公以武蔭自指揮使膺受鉞分闔之寄屢樹邊功有遺澤於遼人卒凡若干年遼人不能忘乃述公所建立之功陳之當道疏之於朝下禮官議遂檄實以聞乃勅有司建祠賜額褒功春秋脥饗蓋至於今又十越寒暑矣乃正德辛巳冬今上皇帝祠位改元詔告海內及諸藩國余因備使朝鮮取道遼左晉謁祠下顧屋壁皆繪公戰伐之事徘徊嗟歎安得起公九原與之上下邊議爲柄兵之一助也弭節問公之于建昌守轍過予請爲褒公祠記且曰先人之功具載信史藏之秘府粹不可得而考也報功享祀恩至渥矣非假一言以鑿諸石以詔後人不將淩遠寢微而跡幾於熄乎轍抱此志久而未遂茲幸使過吾土此天與之便也其敢以煩執事予謝不敏畢使還至遼建昌復申前請時予同年侍御湯泉楊子按治東土風節凜然而獨於鄉賢每加之意以昭激勸爲之贊說甚力遂不果辭按傳公之先山後興州人祖福原國初猶隸尺籍考春始事文廟以從

征伐累官至東勝衛指揮使公生三歲而失所怙年十有六而補蔭視衛篆藉藉有聲
既而充裨將提偏師衝鋒破陣所至克捷若解團山之圍奏入塔之俘潰定邊之重圍
奮清河之搗巢連長營中興之勝至於臥古城之雪懸清河之賞逸鞏陽之騎趨二舍
之急納管尺八之降壁墨松林之守蓋皆畫出制變冒危履險出萬死於一生以造此
汗馬之勞其行陣之功如此又受備禦之寄持副將之節若守寧遠守義州分延綏遼
陽之閫以謀則審以守則固以撫則順以戰則克金帛不足賞其勞饒歌不足頌其美
其邊鎮之功如此而又能相地勢之阨塞迹胡寇之出沒長顧遠慮爲之奏設東州以
至鞏陽湯站以至甜水諸營堡凡千餘里斬伐林木修築牆垣增立墩臺填實軍伍平
斥道路勸督屯種使黠虜無所施其謀邊人得以享其利其開拓之功又如此夫人臣
之事功固先定其志以自樹立凡以求盡職業而已初豈邀目前之譽而希身後之寵
哉然功懋於身而加於民者甚衆迹著於今而垂於後者無窮則人心若何而不積其
感國典又若何而不崇其報也耶若公之功予以爲得於行陣者猶曰一時之勞也其
成於開拓以遺後來之利雖謂之百世可也今夫士者繫重一鄉猶獲祭於其社而况
近者有功於一時遠者有功於百世如公者所宜深念而嘉錄之也此人心之所歆動
而享祀典於弗替者歟雖然往者來之轍也後者前之續也上者下之表也公之功固

足昭往轍以固來者之守使非真能利今而善後亦奚感人之深而國家令典尤未有不本之羣情而濫及之也公雖謝世而遺德在人合口陳詞爲崇報之舉無間遠邇廷議因俯從之而公之大名遂以不朽文纓武弁所以立身斯其律令也後來者居公之位膺公之任豈可不勵公之志懋公之功以圖榮譽於無窮也哉茲固先朝樹祠賜額之深恩勸功賞善之微意已故曰下之表也是爲記

按遼陽鄉賢褒功二祠碑記本似與義無關然其鄉賢祠碑文內載有祀義州一人賀給事中欽褒功祠碑文內載韓副總兵斌邊鎮之功叙及守義州予讀遼志至此乃知以賀氏之賢且崇祀他鄉實爲吾邑榮以韓氏之功在守吾邑况其子若孫於吾邑亦著有破虜撫軍之遺績故照錄原碑文於篇而冀永垂不朽云

鶴敬識

清

義州重建真武廟記

順治九年歲次壬辰仲秋月吉日

古越會稽魯景明

義州西北真武廟迺古祠也肇創之始遠莫能稽溯金元崇奉迄今幾六百歲矣及至明世萬曆初年復重建有正殿三間山門三間左右兩廡配殿各六間鐘鼓樓二間規模宏闊廟貌森嚴香火繁盛亦儼然勝會之地也自末世廣寧失守之後義城僧散民逃僅存空城而廟門左右兩廊鐘鼓兩樓拆毀已盡殿內門窗隔扇供棹神器子然

一空聖帝金身被風雨淋漓脫落左右從神俱倒仆零仃斷絕祭祀者將四十年矣大清龍飛順治丙戌歲劉公進功同弟牛祿進名范德功以護衛國隆公主和紹親王而來茲土住宅隣於廟後一詣廟中目擊殿宇聖像傾圮凋殘不堪形狀惻然動念發心重建各捐重金預令工匠採運木植燒辦瓦磚灰石廟隣吳景文亦捐資協助置立緣簿偕住僧□□分投募化一時王府內外共事官尉包牛祿唵喇旗鼓高公景鳳等俱各欣然施助先後聚集遂於七年五月吉日鳩集匠作相度地形高築台基公督工□□星出入朝夕拮据不憚勞瘁起建正殿三間中朔聖帝金身兩旁侍從靈官玉女鄧辛張陶靈光太歲天罡河魁馬趙溫岳十六將帥蓋造山門三間兩旁塑青龍白虎之神中央甬道數丈磚石鋪砌圍牆四面疊高聳聖像侍從俱施金裝五彩棟宇垣墻俱以丹烟粉飾門窗隔扇俱以油漆硃塗一時規模壯麗氣象軒昂其爲義城之首觀也所具完者以禪堂大殿以韋馱殿山門具完耳事已落成囑余爲記余稽玄天上帝者乃北方壬癸之靈金闕真尊化身者雷霆風雨城隍土社山川草澤無不聽其命令以爲稟承號治世之福神天下之所以崇也今公一舉義而義城官庶善信輻輳雲集將數十年湮沒之祠一旦又覩輪煥之美莊嚴之盛從茲廟宇鼎新神靈安妥焉有不錫之以福年會見風雨時若五谷豐盈黎庶繁衍人無天扎爲所默佑者必矣昔雨蓋

施而父子致位三公金殿建而成明一統此非聖帝報之之驗乎則劉公等之建造祠廟立萬古不朽之功德崇報久不待言矣并鐫石以示勸後繼者云是爲記

重建義州城隍廟碑記

順治十二年乙未仲春上浣

浙紹山陰武肅後裔六十翁

錢青選

蓋夫乾坤始判太極初分而有山川大地江河湖海禹貢九州治平水土人始安居歷後帝主明王建都立國分封疆域據險厄要設置府州縣衛邊關塞築土砌石爲城濬濠注水爲隍內則庫藏甲兵人民安堵外則無侵侮之虞而城隍之名始基於此故帝都建有社稷郊祀之壇按時享祭郡城縣衛勅封有城隍之神保障一方以司善惡生存亡故禍福無私所以城隍爲地方萬姓之崇敬也而義州古稱宜州之地寧錦藩籬先朝設將安營邊陲鎖鑰素爲重鎮因自治亂相尋興廢不一人民離散遂致荒蕪草昧凡諸寺廟斷絕香火奉祀久矣本聖朝安定中夏寰宇澄清非天潢國戚無以彈壓也恭命國隆公主和碩親王鎮轄茲土而地靈人傑隨有王府賢公駐軍歇馬護衛捍禦人民湊集遠邇來歸行商作賈昔日坵墟今又成繁夥淳族矣其寺廟始有主者僧眞明先此供奉神前香火僅避風雨蓋有年矣因脩飾不能而感有顧君諱得友鄭君諱文舉者交相歎念城隍尊神廟像崩頽暴露慨然發心爲首倡舉捐資脩蓋再又叩化諸賢善衆助施資財僦工土木重建正殿三間塑城隍尊像隨侍從神兩壁繪以善惡公案之

相俾觀瞻見者有以儆惕亦勸化從善之大機也甬道之中又重蓋捲棚三間塑以守尉力士大門三間列塑神馬侍從門之外立豎旗杆而壯廟貌其廟之東復建禪堂三間兩耳房於中塑地藏王菩薩設置東西兩單南建韋馱一殿另建山門一座與夫鐘磬鼓供卓畢具各簷梁上下飾以衆彩加以塗金耀映輝目煥然鼎新規模宏厥其廟貌威嚴始敬禮恭肅保護羣黎康阜民物仍躋承平之世衆善功德多矣是役也經始於癸己之春三月告竣於甲午之秋九月禪堂甫就既有沙門來此安禪傳戒講經三閱月佛號經聲晨昏遠播善念則有善果之應何佛聖之垂慈靈驗如響皆由二君與衆善虔誠感極之所致也予因看子梵僧於萬佛堂停棲禪院二君以立石請序予不能文惟述廟之始末施財之先後次列書碑而爲之記以告諸來者繩繼無窮焉

建二皇廟碑記

康熙十六年

三皇聖帝乃太古之聖主也三才御世天德生焉神農炎帝仁覆無疆教民稼穡飽食有聚又慮民災日嘗草木遇毒七十辨明藥性寒熱溫涼升沉浮降以作方書可療民病益壽延年藥王聖主十代醫尊無非救療民疾顯報其功想是撫末追本白叟黃童盡沾仁惠無處可酌義州城南關外關帝廟住持釋子妙明奮然發心募化士庶英賢滿汗商估賈客一郡縑素人等各捐己貲鳩工於康熙辛亥年建大殿三間山門垣墻

至丁巳年塑畫金軀莊嚴粉彩煥然一新不生三韓之景乃一郡之奇觀工完之日謂

予書 永流後善事云爾

天仙聖母香燈念記

康熙二十三年
歲次甲子孟夏

沈崇沂

夫天下之羣神小祀稍有功德於人世者往往尸而祝之以報其澤況德配天地功參造化察善惡之情司禍福之任者豈有趨踰或後而敢隕越於下以貽神之怒恫乎若天仙聖母功德浩大率土咸知於是天下各府州縣建立行祠者概不乏焉獨我遼左義州則缺而罔創本城高君諱應魁者心甚歉然倡爲義舉塑其神像煥其椽桷起建聖母行宮於城內西隅制極隆焉數年以來感應甚靈顯庇甚廣舉州之善士信女罔不歡欣踴躍奉香花供燈燭歲時祭祀不絕於廟中者比比然也住持僧體尋矢心感神率州中之老幼男女共勦勝事爰立爲會名香燈蓋誠無不格者感通之理祈無不祐者祭報之功今州之士女將其誠敬奉之以祠致馨香而無慚忒則神和而降之福曷有量也雖然倡於始者未必繼於終盛於前者慮其衰於後不有碑記其何以傳之永久也是爲記

重修義州城南門外關帝廟碑記

康熙四十年歲次
辛巳孟秋月上浣

歲貢 朱洪敬

粵稽名山大川曷可勝記古諸侯祭風雨山川大感有廟焉良有以也恭維關聖帝君

左仁右義兩間健順之常儀緯武經文四序肅和之正氣治道固分猷而交贊至人遂各出以相翊運承天謨烈竝昭於今古康氏衛國聲威貫乎幽明德洽寰區添彼士庶茲義州城南向有古廟咸靈顯赫莫不尊親歷有年所風雨交侵頽圯塌是以已外歲俱係山西閣會士庶英賢募化在城山西軍民人等同衆捐資修葺并請募於駐防諸公以暨閭城四方善士樂助鳩工修造大殿三楹山門三間禪堂三間鐘鼓二樓戲台以及周圍羣牆於今辛巳工成告竣廟貌燦然一新矣仰見英靈如在奠皇圖於鞏固浩然尤生俾世道以遐昌神之格思何有既哉爰是爲記

重修義州大奉國寺碑記

康熙四十五年歲次丙戌菊月吉日

江南武進人勅授承德郎錦州府通判昆陵

龔眉望

丙戌秋義州城守尉趙公命人造余著而請曰義州蓋有大奉國寺高明鉅麗聞於遠邇當年始創於遼之開泰九年而其重修則元之大德七年也歷有明三百年屢葺屢毀碑石纍纍至本朝康熙三年有山海關衲頭僧募化修葺至康熙十三年而告成至三十七年地震棟宇摧醜像飾隳剝風雨不蔽靡復舊觀城守尉趙公諱辛珠慨然謀興復於衆而或以時絀難之繼而其弟城守尉諱巴里密承兄之志拘言於衆曰修廢導俗協和神人此守土之責也且境有故跡而聽其隕礎烏乎可於是率先捐俸而爲之倡乃未幾而逝今城守尉諱伯而黑圖克紹其父與叔未竟之志復爲經營擘畫而

僚屬無不羽翼鼓舞於其間又有浙僧智瑩共襄厥事於是輿情允愜舉境樂輸凡素封之家以及田野婦孺咸破慳市義以樂觀厥成不三年而摧者樹蹠者整漈者新剝者煥寶像華鬘丹楹綉栱悉復其舊僉謂宜有所記述以永其事敢以爲請余竊謂修葺古寺雖於政務無關第念遼之剝寺於茲奚取歷元明以迄本朝屢經修葺又奚取夫亦以修廢導俗爲守土之責而境有故跡誠不可聽其隕礪而漸淪於湮沒也且以爲奉國寺之修一舉而三善備焉誠守公憫故跡之幾廢克繩先武身督鳩僦之役有志而事竟成是所謂善繼善述者且見歷城守尉三公仁心爲質護煦撫摩與兵民休息使人有餘力家有餘財乃以其暇修舉廢墜壯鉅鎮觀瞻而隱寓牖民設教之意是所謂先成民而後致力於神者至諸公之鼓舞贊襄見義能勇諸檀施好行其德資力共効是又合於與人爲善之旨是三者皆可紀乃即來意稍次其語而書之俾鐫諸石若夫世俗沾沾布施福田利益此浮屠氏之言吾儒所弗道也

重修眞武廟碑

康熙四十九年歲次庚寅四月上浣穀旦

錦府府學
生郡人曾魯

城西北隅有眞武廟古蹟鼎建歷年多所上係國家培養元氣之神下爲一方觀瞻奉祀之所歷來本城守尉諸名巨公崇奉非一日矣洎自康熙戊寅歲經地震之後殿宇摧蹠儀像漈剝披靡之壯難以籌述今閣城士官軍民瞻仰聖基樂輸供助良盛軌也

茲蓋羣感上諭素資養教者深故民安堵士樂雅化一鼓舞以勸其勝事焉今既厥成告竣衆善備具宜鐫諸石用垂不朽云爾

大碾盤勾名老虎關重修朝陽寺碑記

康熙五十二年歲次癸丑孟夏

本寺僧如 慧

從來地以人靈踵事增華皆人爲之苟無人焉雖名山佳水茂麓修林亦自徒具而不足觀若茲老虎關者係義州之一隅也界聯二州凌河著東南之美勢抱羣峯台皇表西北之雄非遼右之一壯觀乎山之巔有寺厥名朝陽初非創自上古原因我朝定鼎設立邊疆始營地而建造焉僧如慧募化十方構殿三楹翼以重門繚以周垣金身佛像煥然維新可以祈一方之福澤可以備遊人之瞻觀暮鼓晨鐘驚紅塵之名利春鳥秋花樂山寺之清閒獨是松膏不繼虛堂乏輝煌之儀安得桂魄長懸大地盡琉璃之界今有張守貴者咸發玉盛長明之心共走金鼎熱焚之願月間一會日每注油使紫竹林邊佛土之日輪永照青蓮座上慈容之滿月長輝朗徹雕樑光生畫棟宥分鐘靜宣化呶於光中夜半香聞禮金容於影裏住持願勒姓氏永垂不朽畧寄管城以給盛事云

義州南郊祖師堂碑記

康熙五十二年歲次癸巳天中上浣

廣寧縣捕廳署義州巡司事

朱嗣隆

粵自上古凡諸百家無不由本而自能作爲者也昔孔子曰我非生而知之好古敏以

求之若夫堯舜之道萬民樂業播穀稼穡以生以食萬世從則 孔子之仁義五倫

備焉若 既子孫子公輸子亦有技藝可法可效者也百工賴之焉從感佩不置禱之

曰祖師其亦有功於世也義城宗其技者建廟三楹立社永祀癸巳告竣立碑記其姓

氏惟願聖師千秋千載而覆載下民一年一度以祀祭焉余書永誌不朽云爾

火神廟殿東碑記 康熙五十六年歲次丁酉仲秋穀旦

原夫二儀攸分日月星辰繫焉三才有備五行闕若五行而五行之中火為獨尊况衆

等自闕食渴飲暑往寒來火之所以濟衆之功闕成必伏於灶調和鼎鼎掌握天廚百

味昌而闕功者非火不足以全味人世所必需闕出而不知有主其始之神焉即其闕

仰之主耳迄今義州城西南隅向建聖闕其寺側尙有餘地於是衆等全發闕心闕聖

像威儀煥然一新工程告竣然後囑闕賀俯伏歎呼嘖嘖稱道則知今日之得闕

裝繪祖師廟碑記 雍正九年歲次辛亥七月

奉天府學廩膳生員 孟子世

義郡之有祖師廟何以立曰諸匠人立之也他人何以不立而獨諸匠人立之曰諸匠

人以爲藝各有宗而後三神實其所師而奉以爲祖者故獨立之也自康熙己卯歲構

其規模五十二年又修之以增前此所未修而廟遂闕然一方矣雍正元年春郡之諸

匠人恐其久而將即於舊也於是各捐資財裝其神像繪其殿宇一時金碧交輝而廟

貌又爲之一新焉夫非諸匠人之誠敬崇祀久而勿替不至此雖然諸匠人何以有此也□奈之知矣蓋自我朝定鼎以來政教修明人民樂業不獨士農商賈各勤其本務即百工末藝亦共勵其技能天將以羣鼓舞於重祖尊師之舉而不知爲上之功德休養生息涵煦於百年之深也不然何以斯廟之建而修之而裝且繪以新之而誠敬崇祀至於久而勿替若此哉工即竣諸匠人乞記於余因爲道其始末書其姓氏以誌一時之盛至於神之所以工藝事而爲後世之匠人師者余益弗能多贅云是爲記

重修八寶山

現名台子山

雲統洞

即現在洞上

觀音堂碑記

雍正九年

廣東壬午科舉人

陳紹善

義州以北皆山也層巒疊翠起伏萬狀而雲統洞爲尤勝奇峰闕然洞去城約四十里

近邊僅十里許蓋鬱葱佳氣不眼遐□曠闕不知窈自何代自有明兵火以來殿宇傾

頽香火斷絕其間之碑闕親自興嗟以爲佛以菩提心度世內世胡不發菩提心修葺

斯洞闕來此土亦不過朝居夕行究無有久居住持修葺殿宇者闕來茲朝夕奉誦持

戒精嚴遠近欽悅而且其徒子道克勤克儉闕爲搬砌迄今多年毫無惰志復於殿下

創建觀音堂三楹兩廊闕輝煌洞殿燦煥鐘磬之聲達乎遠近殆儼然一大叢林矣闕

歟洞之左右善信因而有感由是鳩工捐資共勦欽事用僧之師徒修持有業勤儉衣

鉢而是更嘉洞之左右旗民闕

裝繪關帝君碑記

雍正十年歲次壬子穀旦

奉天錦府學廩生員張復振

蓋聞神威赫奕千古肅茲祀之瞻廟貌巍峩百世仰子禰之重忠扶末運非徒存鼎足之乾坤義植阡危豈再闢蠶叢之日月丹心炳青簡而常新浩氣貫白虹而不滅一席桃園易友朋而昆仲半生荆楚奮忠勇爲神明不獨翊漢祚於三分真是人心於萬禩義州有關帝廟者創自有宗翬飛煥彩重耀前朝粉堊凝霞及我盛朝追封三代祭祀春秋享千年血食來萬古香煙者夫非忠肝義胆之所致哉乃人以時而代遷物以遠而日敝蠹穿巨角幾疑科斗之文鼠穴危墻難辨龍蛇之畫况塵封聖像俎豆之儀難伸霜露沾裳椒醕之獻莫展是以辛亥歲山西閤會人等咸願秉虔心而潤色廟宇修捲棚而重建山門故散謫仙之黃金捐資樂貢因而運公輸之鬼斧鳩工經營茲者匠成竣廟貌已煥然一新矣復願修葺之後俎豆常新蒸嘗弗替神忻人悅均沾潤夾於萱階瑞應祥徵爰度風調於鳳律謹記

皂君廟碑記

乾隆三年歲次戊午蒲月

蓋嘗思之無不覆載者天地也無不照臨者日月也無不庇護者皂君也何則以五行論則火居第二非火而閭閻無蒸浮之用是皂之下有造於火也以缺其先以缺容已哉義州加福寺內於康熙五十三年創修皂君大殿三間足表合郡酌報之誠信缺勝

今會首人等而同心共計喜捐已資務成勝舉以爲有神無廟神何所憑有廟無碑廟
缺石覓良工打造已成卜今日吉辰豎立不敢望報非云 媚聊以表愚氓之忠悃焉

耳是爲記

重建關帝廟鐘鼓樓碑記

乾隆四年歲次乙未八月

壬午舉人陳韶善

竊爲天下事莫爲之前雖美弗彰莫爲之後雖盛弗傳如義州城南門外有關聖帝君廟一所考厥碑記創自大元年間彼時廟貌巍煥應必燦然可觀第鐘鼓二樓未曾建焉想亦緩造伊始力所未逮耳不然何其宜有者竟闕之耶自我朝定鼎以來有阿達哈哈蕃諱新珠者奉簡命而鎮茲土嘗於閱廟之餘心懷念之爰率合郡軍民補建於其中是爲之前者有人而美者彰矣迄今歷年久遠材木朽矣瓦石壞矣爲之前者不攸存矣張鳳雲等籍係山右貿易此郡立會有年凡廟中無者俱已補之殘者俱已修之寧至於此敢云事非自我起而聽其頽敗乎故各出資財重以大其規模廣其舊跡於乾隆四年自春徂秋事乃方竣吾儕爲之於後而盛者又傳矣使不序其來由美雖彰也而知其孰爲之前盛雖傳也而知其孰爲之後且後之視今亦猶今之視昔將此盛事又何以相傳於無已耶於是勒碑謹記以俟後之續緒於不衰也云爾

三皇廟碑記

乾隆六年夏四月下浣

貢劉澄

自古有功德於民者皆載入祀典而帝王之中必以三皇爲首良以開物減務祥益復後世者至無窮也吾郡之有此祠舊矣其屢圯屢脩蓋已數四後以廟祝非人遂致頹壞已甚郡中官紳軍民人等以城外東南隅關帝廟僧本培及徒來瑄皆謹厚人也相與再三敦請住持於茲僧即厲志重修諸人士亦各樂爲捐助於是舊者畢新而佛堂禪室應皆創設俱備甫數月金碧輝煌復成鉅觀云有其舉之莫敢發也况又非其他淫祠可比然則是役也僧之勤苦固足嘉而諸人士之好義亦難沒也工人礱石旣畢予遂據實記之且俾刻捐資者之姓字於碑陰

西關關帝廟碑

乾隆七年

劉澄

壬戌秋守尉額公旣命予次其累世盡力此祠者勒之石復爲一碑二額□合會姓氏於其上并乞一文以記之奉命之下轉不禁慨然深嘆也夫世之降也類皆溺於巫風於是求諸邪神淫鬼而事之至於忠臣義士載在祀典者反愬置之不一顧雖關侯一祠所在多有乃其所以事之者則有可感侯義人也必無愧於義而後事之而不爲所棄亦或不事而反爲所取也今牧豎菜傭輩平日不知作何形狀一旦費一錢半錙稽首階下即冀獲無窮厚報夫侯光明磊落却曹瞞萬兩金如糞土曾此區區者足以傾動其心而聽么麼小子之驅策哉今觀吾州諸人士而竊幸其不落此窠臼也蓋吾

州於古爲燕地其人多感慨悲歌勵其節其於侯歲時宜祭之而已耳然不祭之當得何佑也祠乎宜葺之而已耳並不計葺之當致何福也美哉諸人士真無可爲者矣此雖侯之大義者有以深入乎人心而其然一無所求何莫非額公倡導之力歟且夫人品之汙降視其祈得其崇正者其不即於邪者也其慕直者其不安於曲者也以侯節烈諸人士能崇奉之而又一也之見則其所樹立必不苟矣將由是而砥節由是而勵行其作盛世之完人豈不樂哉敬告諸君天下事其當爲者尙多皆本此意以出之可也是爲記

關聖帝君碑記

乾隆七年歲次壬戌八月

義郡貢生劉澄

國初義州尙係邊庭有故元遺裔駐牧於其北國家以其投誠最早故割此郡與之以寵秩之者備至厥後漸有不臣之意斯時朝臣以職司羈栖此間者數人而守尉額公之王父與焉公之王父諱新珠忠厚人也知大義見兗藩跋扈髮即爲之上指然以其迹未著姑含忍未發至康熙十四年逆形已彰晨夜奔愬闕庭臨發時曾於此祠默禱以求冥助後果應時蕩平由是聖祖仁皇帝臨軒嘉嘆褒此奇勳封功二等輕車都尉俾之世襲展邊後以義適當遼海要衝叛設守尉以鎮之遂委爲北門鎖鑰焉以此感念神庥蒞任未幾即重修斯祠歲時必奉合屬員役恭奠於堂下以報大貺子孫世

守此土亦世世續此志於勿替相沿至今蓋七十有餘年矣今守尉額公負奇氣多大節每追憶往事輒感慨情深壬戌秋欲刊石以貽後人命余屬草余思自古忠臣烈士代不乏人獨關侯至今猶凜然其忠義高出千古耳公之先人偉績可銘旂常忠悃足貫金石我邊人仰慕久矣則其詣此而禱禱必而應必忠義之氣實有與侯相通者始感格若此夫豈無本倖致乎哉且夫義雖小州西拱山燕東控瀋奉貫陪京一大都會也公今祠續於後仰體先人之志爲聖天子敬捍牧圍不又隱然長城之寄乎其任大其責重則取法於 烏容已歟夫恪守箕裘承先之孝幽□尙節義報國之忠也余故歷述其顛末以誌不朽云

南關東關帝廟新建牌坊及鐘鼓樓碑記

乾隆十八年歲次
癸酉仲夏蒲月

貢劉澄

茲祠之建其來已久康熙間僧人成卓錫於此圓寂後其徒本秀本芳本茂本培繼之師若弟皆苦志焚修刻勵自矢見殿垣墉時加整理因各煥然常新矣茲本秀等之徒來瑄來瑞來璞來珠復能僭承弗替爰更立牌坊一架左右列以鐘鼓二樓資不外募而倏爾觀成因問記於予以誌其事予於此乃不禁既然長嘆也夫近日廟貌欲有興作先行鈔化人雖勉破慳囊彼則實恣醉飽有能一無所擾而大功告竣者乎嗚呼若來瑄等諸僧可謂善承先志守其教而能盡其道者也予故深用嘉之而爲詳記其顛

末如此云

新民屯重修觀音寺碑記

乾隆七年歲次壬戌四月

貢劉澄

天下事有創之於前者必有繼之於後者今義州城南新民屯於康熙五十年間合屯均出資財建立觀音草殿三間揆厥所以屯中春社秋報一會集之公所耳至乾隆四十年有永平府民籍王道明等集此會議凡我鄉或挾資本而貿易於茲土或以助力而作苦工於人家者疾病相與扶持勿致主人之紛擾捐瘠相與殯葬無庸官長而來臨議定詳明即名曰永平會因睹殿宇頽敗垣墉摧殘本屯會首徐陞臣等重卜地基更添木石易茅茨而覆以陶瓦不數年並垣墉以及山門復煥然一新屬余作文以記之窃惟事若合乎義不記而恐失其美義不當乎禮記焉而反張其陋然禮以義起義之所在即無非禮之所在茲則廣仁愛於宗邦咸切尼父我殯之語惟慈祥於故土共効前王瘠骨之風合乎義當乎禮洵足記也以昭示來茲之行義者至於廟貌重新要亦義風餘烈之所成踵事增祥華之故事耳無庸記乎哉

重修戲樓碑記

乾隆十七年歲次壬申桂月

錦府學生
員郡人 魯吉士

稽古諸祀制爲聲詩歌以侑神後世音樂缺微民間遂演劇報功非古也然亦足以觀感故典今亦所不禁義邑南郊有關帝祠宇創自大元迄今不替入本朝山右諸人士

流寓吾州者立議興修即新其宇復建戲樓於大門外以爲娛神之所即吾州歲時致祭亦往祀焉歲壬申諸人士因其傾圮復各解腰纏重加營繕不數月工已告竣予嘉其資不外募故載諸人士之姓氏于碑陰後之覽者庶其興廢舉墜之思乎是爲記

重修奉國禪林碑記

乾隆十八年歲次癸酉
季秋菊月中浣庚午日

奉國禪林之設也由來舊矣順治年間草創於大殿之西隅並無櫺櫺節稅之華不過朝夕焚修而已僧性全於康熙六十一年十月十五日重建佛殿五間六十一年告成隨裝滿堂金像至十二月初八日開光雍正元年正月十九日又裝嚴金像三尊十月十五日圓滿乾隆五年大雄殿豎碑三架八年鳩工新創大悲殿五間韋馱殿一間龍王土地配殿二間二門三門週圍羣牆亦皆創設俱備至十八年又以南方蘇州府虔請檀香大悲菩薩太子佛聖像八月十一日入龕自康熙以至於茲三十餘年金碧輝煌竟成千百世之偉觀者矣觀性全師徒勤苦固足嘉而官紳士人之善信亦難泯沒也石工礱石報畢因問記於予以誌厥事予不敏遂實記之且俾刻捐資者於碑陰

重修城隍祠碑記

乾隆十九年甲戌蒲月上浣

原知義
州事鄭廷觀

凡紀人善行美舉甚無取乎掠美市恩撫拾粧點快人耳目必須辭事相稱始可以信今而傅後也何則蓋世有殊功異德卓絕之迹固有人焉持簡操筆而傅之以昭示來

許理或然也義州城隍祠建自先朝殿宇輝煌規模宏敞福國佑民威靈赫濯旂民極尊崇之典商賈致祈禱之忱實一州正神非同淫祀也無如歷年久遠風雨飄搖簷生鼯鼠之患在所不免州人士目覩剝落之形欲起而新之者非一日矣奈工程浩大物力艱難衆謀未集而遂寢其事今上歲之癸酉里老人李純德善人也義人也獨發洪願解破慳囊鳩工庀材自大殿以至頭門由丹墀而亦及甬道脩葺丹雘各拯堂皇美麗之觀較前更有光焉而趨踰董率以承父志則其長子國學生有常次子儒士有序之力居多也不數月而厥工告成約費七百餘金一力捐施無少吝惜猗歟休哉莫爲之前雖美弗彰莫爲之後雖盛弗傳義之紳士旗民無不多其仗義而樂其善行之老而益堅也乞余一言以誌不朽余以放廢閒員淹留旅邸何暇執筆爲文貽羞當道顧念爲無善無不報而遲速有時有美必成爲古今公論老人以髦期之年猶樂善好施如此則平素之積功累仁又何可勝計也哉彼華屋擁厚貲以自封殖者不幾對之而汗顏耶昔司馬溫公有言積書與子孫子孫未必能讀積金與子孫子孫未必能守惟多積陰功廣行善事如老者可謂打破機關矣爰弁數語刻石復爲歌以美之曰黃農已沒兮邈不可追世態炎涼兮悵乎何之嗟彼慳悛兮慷慨爲誰景爾芳縱兮太古之遺剖腹藏珠與世噲兮輕財揮霍莫予此言兮爲善有終兮天鑒在茲貞珉不朽兮無

愧斯碑兮神兮神兮尙爾格思以利其子孫兮微老人其誰與歸是爲記

天仙聖母廟碑記

乾隆二十年歲次乙亥桐月

生尙志

義州城內西南隅舊有天仙聖母之宮蒼桑之變籌已滿壺矣乾隆戊辰歲嘉福寺住

持僧本詳移錫於此不惜拮据之勞重修舊制從前金像生輝四壁皆琉璃之色聖德

有耀一堂盡珠玉之光奚藉松膏之灼蚌脂之燃而後有不夜之天耶雖然神光燭照

固無須此而事神者咸以此明昭格之誠考古江寧縣寺常懸常明常滿之燈歲久火

青再考漢武內傳有九光九微之燈待西王母雖事屬不經而時人多以爲然故今通

都大邑以及窮鄉僻壤凡建廟以妥神者皆有夜燭以增輝煌名曰海燈寧第此廟哉

爰謀諸衆於三□望日立燈油會衆皆樂施歲以爲常西漆爭然奚啻日輪之照南油

日滿更助月魄之精舊聯云禪室無燈憑月照不若所□維圈萬眼耀三光今茲燈油

之會不更大其輝煌於靡盡哉是爲記

重修義州奉國寺碑記

乾隆二十一年歲次丙子孟春月

奉天錦州府錦縣學廩膳生 陸倬

自金人夢卜於漢庭而浮屠遂徧於華夏滄盤彼岸厥惟幻哉六通三緣抑又交矣惟

青蓮三十二相方士誦傳面壁四十九年儒者借口他如諸緣外息隱類存遏之旨亦

道輪廻彷彿彰之宗以故興於漢盛於唐崇於梁隋代代未艾也茲者義城東街奉國

寺相傳創於遼之開泰九年殿宇輪煥_翼飛煥彩屋角峻巖粉煙凝霞第多歷年所時
或傾頽至本屢有葺補俱勒金石沿及近今又見摧敗達官長者因傾破慳囊善士信
商咸種淨土之果募緣中外協力捐資十六年而鳩工至二十年而告竣傾者整之廢
者修之缺者補之舊者新之倏爾興舉煥然舊觀此雖助無爲之教而實邊城之壯觀
也執事者因而索文於余以示不朽余幾爲諉謝幾爲躊躇欲文若海甚難置喙因伏
而思曰渡杯江上曾用南國之宗 錫鋒頭尙啓東林之寺矧之招提係稱古刹廟際
市廛更足崇觀果其棟宇能巍煥安見百鳥不啣花幸得革故而鼎新要非繡苔以成
畫一木一椽亦藉檀那之力寸甍寸瓦無非長者之金釋云因心以種果吾課即福以
爲田雖其一意之善堪償七滿之緣世人妄談慧劍吾亦暫坐慈堂遂濡筆而爲之書
云

祖師廟修製山門執事碑記

乾隆二十一年歲次丙子
季春三月上浣之吉立石

恩賜鄉進士候
選儒學教授

劉潤

且承前啓後則均曰師師而云祖謂其作法於初極於至善遞

越其範圍也雖巧者巧而非巧於法之外拙者拙亦自拙於法之

下邑不立廟塑像申其媚焉茲義州雖僻處邊陲何獨有

創康熙五十二年迄今殿宇巍然垣墉煥然屢經先人之所修補者至至矣石以

□大乃有門人李君諱茂蔚者作藝於義二十餘年一旦旋回故里無以 □眉甘之

□石廟固 □□化事全副擺列廟庭既以壯厥威又見山門一間湫隘短狹無以廣

其規矩□□忠 □□□□□創新規不崇朝而工程告竣向余乞文以誌不朽余遂

援筆直書以表其□茲之修□□□

重修藥王廟碑記乾隆二十一年
內子孟夏月

義州學
生員陳廷傑

義城南街藥王廟多歷年所幾經晦明迄於今廟貌摧折墻屋敝壞已不復舊觀矣欲
整頽垣苦無米之炊難思為破慳亦首善之無倡至乾隆十三年間適有善士信商協
力同心共成勝事喜借檀那之力幸賴長者之金又修十大名醫以壯觀光不瞬息間
而廢者修缺者舉一舊刹轉成一新院矣爰是記文以勒石以垂不朽竊思左道之惑
雖非吾儒之宗而神農之業實亦蒼生之庇人皆欽之我何侮之縱不能傾心以相許
何妨濡筆以為書他若祈福求安之詞皆略而不陳懼惑也

義州嘉福寺重修火神皂君酒仙碑文記乾隆二十四年
歲次己卯蒲月

義州
庠生陳廷傑

嘗聞有三才即有五行日用飲食非火不成至於調和鼎汁司皂獨尊酌彼嘉□□□

□□盛是豈可置若而罔聞乎茲者義城西嘉福寺有火神皂君酒仙大殿三間乃康

熙五十三年創建因嘗煥然一新矣無如年湮□□□雨摧折其何以保其無虞哉

爰有會首酒舖食店酒局面舖人等目擊不忍竭力同心共成勝事以之金裝聖像以之粉飾垣墻使廢者復修墜者倏舉庶幾其一振作而□□□然可觀焉因爲細訪良工精濯美石以勒厥銘余雖不能括囊以相助亦何妨□□□陳詞於是爲序聊以永紀其勝使後人之知拾遺補缺之義亦足以傳延不朽云

增補蟲王廟碑記

乾隆二十五年十月穀旦

生楊起鳳

嘗思先民有作而設廟建祠非徒新一時之耳目而聳其聽聞實以啟萬世之心思而示崇奉也義州南關有蟲王廟者神威赫奕廟貌巍巍千秋篤祀之文百重馨香之典孰知人閱時而代遷物歷年而日敝雀巢峻宇鼠穴雕墻仲椒醋之投者莫不曰制已舊矣何不起而新之是以庚辰歲園舖閩會人等秉虔心以加潤色拜護法而塑韋馱缺者補之廢者修之捐資樂貢不數月而山門大殿無不煥然一新焉庶幾俎豆常陳蒸嘗勿替神錫無疆之福人荷有樣之休故刻石以誌不朽耳

建崇聖祠碑記

乾隆二十六年歲次辛巳秋九月穀旦

直隸高陽縣壬子科舉人奉天錦州府義縣學正

解爾璉

禮云善則歸親明乎人之絕類超羣皆由先世之積累以徵其休嘉故褒人之忠揚其人之烈必溯所自來以爲之尊於無窮我勅封關帝祭太牢隆徽號典綦重矣而又追封三代以大展其孝思獨是禮制既已周詳而祀祠亦宜盡善義州南門外關帝廟建

立多年而三代祠堂尙缺焉未備每逢舉祭設位西廡以權宜將事州尊那公躬承湮祀慮及神失憑依實茲怨恫遂首倡捐俸別建祠堂適山西會張復良等仰體樂善之懷共矢竭蹶之願以爲關帝大殿會中業已增修茲三代祠堂吾儕應宜踴躍爰是量力輸金輪班董事擇地大殿之北修崇聖祠正殿三間東西配殿六間左右耳房二間大門一間勤勞半載厥功甫峻而規模遂煥然改觀焉第見舊殿巍峩俎豆萬古生香新宇輝煌牲醪千秋增色廟制合宜神明謹愜庶關帝血食于前殿崇聖安享于後宮天理人情於焉允當律以善則歸親之義可云盡而無遺憾矣此一舉也固那公樂善之誠有以鼓舞而成而山西會翕然向善之功亦不至湮沒而無聞也是爲記

建崇聖祠碑記

乾隆二十六年
秋九月吉日

奉政大夫知奉天錦州府
義州事加三級紀錄五次

淳

蓋聞禮隆表德俎豆常優於聖賢誼切褒忠馨香并及其祖考實協天理允當人情我朝祠祀關帝百有餘年祭典媿里之春秋尊崇尙帝王之名號而更追封三代并享於千秋而分判尊卑廟制宜別爲兩處義州南門外舊有關帝廟而獨缺崇聖祠一時舉祭權於偏廡嗟呼正殿巍峩大煥後人之座西廊湫隘偏安先代之神實禮數之未全諒神心之莫慰余蒞任以來目擊心側欲別建崇聖祠於大殿之後山西合會人等遂翕然效順踴躍赴功慨破謫仙之囊協助公輸之斧營方經位俄興拔地之基選匠輪

材頓起干霄之棟夙夜匪懈每間迭以料工心力胥勞更分班而董事凡六閱月工乃告成第見片瓦片磚悉關衆力一石一木非屬余功風雨突生刻桷煥龍蛇之畫雲霞蔚起丹楹耀鸞鳥之文次第以分廟位以正庶足體國家崇本之意慰關帝在天之靈而山西會之功與爲不衰余之心亦盡而無所遺憾也遂勒石以記

重修關帝廟捲棚碑記

乾隆二十九年歲次甲申秋七月

義州學增廣生員

楊森

孟子曰舍生取義然則古聖賢之特立獨行盟寸心而千者其爲義乎義之所在可以合德於天地可以齊明於日月可以協撰於鬼神故巍巍泰山不足爲高洋洋河海不足爲深赫赫王公不足爲富且貴大哉義乎其人道之至極乎然而三代後能盡之而無憾者微關帝廟其誰與歸義州南門外有關帝廟建立多年其修葺補綴皆山西合會人董其事間者大殿前捲棚頽壞合會人遂共議修理因及馬殿鐘鼓樓戲臺東西配房無不鳩工補葺俾煥然一新由是刻鏤運魯班之斧繪畫妙王維之筆不數月間工已告竣共計費金六百餘兩皆出山西人捐助未嘗外募第見丹楹刻桷蔚然雲霧之粉綸峻宇凋墻閃而彪蛇騰躍廟貌整嚴觀瞻壯麗蓋人心之趨義一至此乎事成求記於予既尊關帝之義而義山西合會人等之向義也因編數語以勒石後之覽者其興修廢舉墜之意可也

上帝廟重修碑記

乾隆三十年歲次乙酉季春月

義州增廣生員楊

森

大官書北宮玄武者北方之星宿也北方屬坎其色黑故天曰玄天帝曰玄帝神曰玄冥若是玄帝為列星之象後人乃塑像而祠祀之者何哉文耀鉤曰北宮黑帝其精玄武因以之玄武為黑帝之精是乃在天之尊嚴神祇也義州城西北隅有上帝廟建立多年風雨頽損僧本耀慨然重修共計費金若干兩工竣之後托道人紫雲乞文於余以修廢舉墜人生之善舉也况赫赫上帝不同淫祠其可聽其頽敗而不之念乎僧是舉誠可嘉矣爰為文勒石以誌不朽他如世俗所傳真武為國太子出家學道未成而返剖置肚腸于河化為蛇後遇觀音點化遂篤志修持卒正果於無黨山中而為淨肚佛此稗官野史所載記非儒者之所稱道也故略而不言懼妄也是為記

重修娘娘廟碑

乾隆三十年歲次乙酉甲申月上浣

直隸水平樂亭縣庠生

劉瑚璋

余客義郡十三年矣舍南隅里許有娘娘宮一所夏溽暑間步往遊木朽石泐消碧落悵然者久之豈孕輝高賢契侍於側揖余而言曰此吾先祖所建也伯父欲補葺之志未就而卒吾願繼而治之余應之曰唯唯否否書云有後無棄基祀云有舉莫敢廢此之謂與子其勗諸孕輝乃早起晏食戮力經營自度其力不能為携合會人持簿募四方財有得輒記之多寡不受銖積寸累期年而用足爰估較磚瓦幾何木石幾何工價

幾何鳩鳩庀材不日而告竣焉棟宇翬翬殿廡峩峩凡棲客之舍齋庖之房庫庾之所
倏而維新以及浮 所用鏡鼓魚螺鐘磬之物百器備完而迎邑僧空超率其徒入而
居之宛然一大叢林也落成而請余言以爲記余不能文義郡人知之最悉遂詳其顛
末而記之

祖師廟新蓋客房二間碑記

乾隆三十年歲次乙酉季秋九月上浣

嘗思制事有道貴審其當爲與否耳如於不當爲而強爲之是沽名邀譽之舉而非好
善樂施者之行也若夫於不得不爲者而顧遲迴觀望漫不關心焉又豈領袖總理之
所宜出乎即今義郡城南祖師廟內舊有東廂客舍三間乃工人議之所在也近因勝
會浩煩事務 多每遇進香演戲之期竟無寬濶方便之處所於是鐵行會首公同酌
議各捐己資遂於大殿西邊新蓋瓦房二間以脩貯會錢之所雖規模狹隘棟宇未至
於宏開粉飾未極其華麗而其興修創建木料磚瓦等項約費一百三十餘金乃一月
餘而工程告竣矣爰命匠人欲刻之石以垂永久求叙於予予思此好善樂施者之所
行實事之不得不爲者也豈同沽名邀譽之舉於不可爲而強爲之者哉因不揣固陋
援筆直書以誌其事焉己耳如必謂之爲文焉則吾豈敢是爲記

祖師廟立旗杆重修廚室碑記

乾隆三十一年

魯吉士

從來建奇績立偉烈者固足以感一時之人心聳動當世之贊揚至若一事之善一行之美則湮沒無稱人情大抵類然不知事無論鉅細善不在大小苟善行可述能表著於當時者自可以聲施於 襮也即如義郡南關祖師廟舊有松木旗杆一對因年深日久風雨損壞會首鄭君諱崇本者目視情傷隱發心願欲出囊金重立新杆乃事未舉行而神遊帝鄉同儕皆曰鄭君已死事無濟矣不意其子諱士祥者克承父志果出已囊去舊更新換立沙杆約費四十餘金闔會觀此義舉見厨室殘破雨漏不堪重新修蓋煥然可觀亦費銀九十餘兩今欲將二事垂之永久以誌不忘求叙於余余思此即善行可述之事也遂不尙浮詞宜以其事書之於石以爲後世之樂善好施者勸焉是爲記

祖師廟新建神龕重繪殿宇雕刻匾對彩畫客房碑記

乾隆三十六年歲次錦州府學
辛卯孟夏四月上浣生員郡人

魯吉士

讀詩至衛風淇澳之篇有云如切如磋如琢如磨蓋言治骨角者既切以刀鉅復磋以鑪錫治玉石者既琢以椎鑿又磨以沙石皆言其治之有續而益致其精也由詩言思之則吾人聰明日用而生吾人之智巧愈出而愈奇也不卜可知矣今義郡南關祖師廟創於康熙五十二年至今百有餘歲幾經修補幾經金粧粉飾華麗廟貌森嚴至乾隆十七年始創行駕執事胯鼓宗旒台臺閣設湖西洋千秋故事精巧諸樣周全每逢

進香演戲之日人煙億萬感動四方中外贊美遠近稱揚會誠盛會矣無以加矣惜所缺者獨神龕未建耳合會信士興念及此公同議定各出己囊遂於庚寅桂月興工動衆精造神龕重繪殿宇油漆棋杆雕刻匾對彩畫客菴較之始創之年其光輝燦耀洵愈出而愈奇也乃至陽月而功程告竣共費銀三百餘兩刻之於石以誌不忘是豈好爲沽名哉蓋以後之視今亦猶今之視昔惟欲繼此理事之人常思修補務使廟宇整齊永遠壯觀也云爾是爲記

重建蟲王廟碑記

乾隆四十年閏十月

直隸永平深州後學霍更新

凡事慮始維艱而圖終良易夫蟲王廟者創修有自弗慮其始矣目覩碑誌之始作不無名公距鄉老勝會繼非虔心義士於高賢茲者農人園舖祈禱以致敬沙門釋子朝夕以香煙作修繼恪恭隆禮果何爲哉夫蟲王者操昆蟲之屬螟螣蝻賊之貪饕皆食糧莠無害田穉即炎火秉畀之田祖郊野不臨亦蒙福澤况□生國□豈非大有益耶所以陳俎豆崇奉祀巍巍殿宇岩岩墻垣欲麗千秋而不朽豈可污儀象而若六玄□不憶□暑往寒來竟無百世之久延屈指日征月邁已逾週歲之推遷風雨漂搖雀鼠登穿金容猶在嘗流夕扑供□□於此而祈福無乃以爲作孽假香煙由是而求靈亦若自□一褻旃當時雖圖之而復新奎胆乏蝎頭角之微力即坐嘆之而自待

不覺怵惕惻隱於慘憐夫將傾未頽之際幸有棲息僧人法亮者顧之□宇頗患傾顛
焦心畢慮晝夜修專誓起沿遠之舊重整繼起之鮮恭疏短引編募善緣王資捐損齊
碩捐囊於是量秬若何度工若何修其廢補其缺竟歷一寒暑而告竣焉爰見殿宇巍
峻粉壁昭宣紋雲□□祥列瑗□炳煥更勝始繼之作修堪慰僧人之棲息也欲垂
百世不朽故勒碑以誌云爾

蒙古貝子重修關帝廟碑記

清乾隆四十年

進士
大理寺正卿王

猷

天地間惟神之靈可以無不至惟人之誠可以無不格兩者不相爲而相合昔蘇子瞻
言浩然之氣曰在天爲星辰在地爲河嶽幽則爲鬼神明則爲人此固不隨生而存不
隨死而亡者古來忠臣義士奇節瑰行彪炳史冊其既歿也靈精不滅往往示奇異於
人世耳目間亦所在多有矧夫着顯奕如公者乎公之忠義大節耀當時而炫來茲雖
婦人孺子皆稔知之迄今千有餘年企慕威神猶顯赫若前日事立祠奉祀自都城以
至郡縣有司春秋時舉必虔窮鄉僻壤亦莫不奔走恐後雖在絕繳荒服奉正朔列朝
請之倫率知崇廟貌而荐享之膜拜稽顙冀公之默佑之也蓋公之威靈靡遠弗屆矣
義州之北毗連蒙古諸部有□□者貝子□□之所隸也其界舊有公廟一所不詳創
造之年先是國家有事西陲徵諸部兵檄貝子以其屬從臨發時禱於廟祈公相之及

與敵遇公果有顯助每戰必克貝子以公之福我也師旋時酌酒於神前再拜而謝之
且欲勒其本末於石以昭神貺因事不果今嗣貝子懼先志之不克成爰鳩工鑿石
廡龜趺琢磨精細將擇於 月 日柎于廟楹之左乃介州人之賢遷於地者而屬記
于予伏維國家定鼎以來列聖相承深仁厚澤洽髓淪肌凡有血氣莫不尊親蒙古諸
部綦布星羅於諸塞之外者扞其牧圉爲國屏藩非一世矣朝廷崇奉晏賞賚予調濟
所以撫綏體恤之者靡不周至貝子能篤信忠貞敵王之愾是宜精誠肫摯有以致神
之助也惟公之神也猶泉之行地無乎不在故靈蹟所昭不分於中外貝子之忠也勤
於王事故誠可格神而克著成功嗣君之孝也無忘先世之勞而克竟厥志嗣君其繼
此志而勿替焉則可以作王朝之干城而獲神之庥庇者豈有盡期也哉是皆可誌也
故爲之記而歸之

大碾盤溝增築藥王廟殿碑記

乾隆四十五年
歲次庚子荷月

壬申科
舉人韓

發

蓋聞相傳神農氏之有天下也嘗藥辨性以除民疾黃帝繼之命岐伯作難經素問而
使雷公調脉息然風后六相之中其人不預焉意上古治簡民淳雖有陰陽六氣之中
診而無奇詭不可識之症陷溺不可解之憂故其事不甚重與然如秦醫膏肓之診扁
鵠血脈之論神矣仲景之辨傷寒叔和之分脈理聖矣若抱璞慕勾漏之丹思邈傳龍

宮之秘不亦仙乎乃華元化術著青囊而史稱其志在在士林恥以醫術傳是又何也
母亦如南人之言無恒者巫醫誠賤技范文正公宋代偉人也其言曰人生不爲良相
必爲良醫程子大儒也亦曰爲人臣子不可以不知醫則醫術即仁術醫爲神爲仙爲
天下後世之所欽羨而馨香俎豆之固其宜矣義州城西南朝陽寺舊址佛殿三楹近
因有遠近施主增新廟貌更建藥王大殿以爲鄉村嗜艾祈禱之所是以教孝教忠之
端有裨於風化者哉夫變化莫如龍殘暴莫如虎乃道家有降龍伏虎之說或謂藥王
之所以爲神者亦然噫果若是之神也則吾不能知之矣

重修關帝廟馬殿及西廊碑記

乾隆四十八年六月
歲次癸卯吉日穀旦

甲午科
舉人

楊森

盈天地之間皆氣也而得氣之正者爲剛直爲果毅爲磊磊落落而超乎萬人之上故
鼓其氣之所出可以建宏功可以立大義可以維正統於不墜可以樹綱常於不朽蓋
其氣充乎其中自無往而不得其正也若此者其惟關帝乎以帝之在三國也篤君臣
之誼辨邪正之分扶昭烈於西蜀拒吳魏於荊州曹瞞布惠而不易其心孫權請婚而
不變其節一時正氣凜然固有塞天地亘萬世而與日月齊光者後世祠而祀之固其
宜也義州南關有關帝廟歷久遠山西人四時虔祀廟有損壞無不修補今春議重修
西廊五間大其規模葺補馬殿三間俾其完固共計費金六百兩有餘皆出本會捐貲

並無外募凡兩月有餘而工始竣蓋以正氣之感人故人皆踴躍趨事也事成固編數語勒石以誌正氣之不朽云

重修三皇廟碑序

乾隆四十八年歲次
癸卯小陽月穀旦

考之天開於子地闢於丑人生於寅皆氣機運會之所爲也自三皇氏出畫一八卦而分五行氣機之鼓蕩運會之推遷始綿亘而不息焉後世建三皇之祠而馨香之正所以報開闢治化之功也義州南關外舊有三皇殿三間經年久遠殿宇頽敗墻垣圯毀僧本達德不忍坐視欲倡義募修募得商賈人金若干於乾隆丙申年而重修之功告竣焉以故龍飛蛇舞慶宮殿之復新斗映星環誇山門之鎮靜輝煌四壁遠邁當年之規模香火千秋稍酬治世之功績茲當立石之日並誌重修之由亦以見氣機之盛運會之隆人心之善哉亘古不已也云爾

重修藥王廟碑記

乾隆四十九年歲次
甲辰乙亥月穀旦立

楊森

夫不卿相而濟人者其惟醫乎而醫必有所自始昔者神農嘗草黃帝著經岐伯俞跗創法於前亘彭雷公垂則於後是固上世之醫宗也降至中古扁盧和緩術盡稱神長桑倉公技進乎道以至蘇耽之橘井董奉之杏林華陀之出蛇伯宗之徒柳代有良醫指不勝屈而葛抱朴更抄金匱之秘孫思邈盡傳龍宮之方是皆壽世活人功侔卿相

者也然則後世祠而祀之雖曰不宜義州南關舊有藥王廟歷年久遠地勢既極滄下廟貌復見凋殘有西關帝藏寺住持法成目擊不忍因同山主謀之本廟諸位會首共議重修而諸會首遂協力担承廣爲募化重修大殿三間廊其規模山門一間高其地址墻垣甬路角門無不畢具地基比舊高六尺有餘神像悉裝塑一新自五月起工至十月工竣氣象巍然改觀焉事成囑記於予曰是役也起義者法成山主也助理者諸位會首也夫百年之棟宇重新千秋之俎豆不墜諸人之功甚鉅諸人之善尤可嘉也因編數語以勒石後人覽者倘興備廢補墜之意焉庶斯廟之不朽也夫

義州重修嘉福寺及塔台碑記

乾隆五
十一年

甲午科
舉人

楊森

塔之制何昉乎蓋始於釋家即所謂浮圖也昔唐憲宗遣人往鳳口法門寺塔中迎佛骨□□國已方增奉俗言唐修塔想應然也郡城西南隅有寶塔一座考前碑所載言言相傳建自大遼塔下培一高台台上□□古刹三間即嘉福寺也不知創建何時建康熙年間廟既荒墟台亦傾圮至雍正十二年有山左客□□□□修因廟舊址改三楹爲五楹中爲佛殿東孔聖殿西關帝殿廟貌遂一新焉而塔台猶未□□□乾隆六年夏雨霖溢台上成巨浸本城佐領高公恐塔根損壞謀於州牧胡公俾軍民人輸□□□□□□護塔根嗣後歷年久遠廟宇摧殘石台坍塌至乾隆五十一年本

寺住持僧性德目擊心傷遂募□□□□□□軍民修葺大殿裝飾神像培補塔根包
築石台殿前蓋配房六間台上砌羣牆四面氣象輝煌□□□□□□加壯麗焉計
費二千餘金皆合郡諸人士所捐助而成者厥功詎不偉哉夫是廟與台也自康熙年
□□□興廢者凡三因知盛衰有數雖道亦莫不然也第廢於昔者興於今興於今者
焉知不廢於後興廢無如前碑所云也後之覽斯碑者其各動好善之心從而修廢
補墜焉庶廟貌常新石頭永固而與寶塔不□□朽也

補修聖像大殿捲棚配房重立棋杆碑記

乾隆五十七年
歲次壬子十月

義州府
學附生張祥瑞

嘗思千古無不殘缺之廟宇而一代有必好善之人心非止曰人性本善也蓋神祇之
赫聲濯靈有臣默佑一方故斯人之捐資施財無不爭先而恐後也義州關帝廟素考
盛京通誌由來幾歷春秋及觀斯廟碑文增修曾經數次夫少有殘缺而即興土木者
良以神兮有靈而善士不倦也茲者簷牙高豕棟宇雖曰巍煥而參差瓦縫風雨未免
漂搖倘不及時廣告善士而補修佇見積久壞及垣墻而益甚盤盤困困廟既改昔日
之規模赫赫明明神豈安今日之鄙陋用是先修佛殿捲棚煥然五彩光明次修兩廊
配房肅然四壁齊整再於馬殿之外豎立棋杆亭亭正直廟之大觀完備矣然後敬竭
誠意飾聖像而金其身庶神來於此居處清幽有以默佑我義郡之名利於無窮也凡

士諸仁人好善不怠者皆刻名於後以流芳百世

八塔屯重修藥王殿碑記

乾隆五十八年
歲次癸丑立

生劉 禧

從來事不酌古雖盛弗傳制惟宜今有美必彰今義州城南八塔山現有藥王殿一間因被火焚片瓦無存閭里景從企慕如故溯其慈祥之德醫療情殷上紹神農之仁術歷久而常新沐愷悌之義感應無方下鑒黎庶之危亡潛移而默運本寺住持僧定印偶發善念募化四方喜得資財共成盛事於是重卜地基新塑神像雖不能畫棟雕樑列岡巒之體勢而壯麗巍煥動遠近之觀瞻遂興工於孟春馨告成於仲□此雖人力之經營要皆神靈之佑耳既酌乎古又宜乎今不得不勒碑刻銘昭示千古不朽云重修財神廟碑記

乾隆五十九年歲次
在甲寅八月穀旦立

義州西街之有財神廟也建自康熙戊申年至乾隆辛酉歲秋一爲修補由今計之歷百有餘年矣所以基址卑隘廟貌摧殘加之東廊損壞西廊繼存實難入目會中人羣欲起而重修爰是公同商議踴躍爭先鳩工庀材因擇能者董其事正殿兩廊山門耳房廚房墻垣以及廟內養廉門面房無不由卑以及高平地以再造由是向之卑隘者今已爲之仰觀也向之摧殘而東缺西有者今已爲丹雘爲之增修也其費計六千餘金皆城中紳士商賈所捐助而成焉者也工既成爰勒石以誌其本末後之起者其相

繼修補於無窮斯廟之不朽也夫

重修三皇廟佛殿碑序

嘉慶元年歲次丙辰秋月

丁酉科拔貢

楊樹芳

嘗聞莫爲之前雖美弗彰莫爲之後雖盛弗傳此善作者之所以貴善成而善始者所以賴善終也義州南關外西關帝廟左舊有古刹三間僧妙明於康熙十年創建三皇殿三間於佛殿以前而廟貌一新焉迨乾隆十五年經風雨之摧敗歷日月之剝蝕不免凋敝殘缺矣僧現鐸乃另改基重爲修理以移於關帝廟之右而廟貌又一新焉迄甲寅年僧本達德更將三皇殿佛殿並門前移且兼修東西耳四間凡山門羣牆神像無不更新之其功閱三載始成共計費銀一千九百萬有奇施助者僅二百二十餘兩其餘皆僧之蓄積初未募化於四方焉然則斯廟也祖孫相繼歷四世而三移修之今則丹楹刺桷殊巍煥之可觀烏革翬飛洵壯麗之塔仰視昔爲倍勝美此所謂善作善成善始善終而有美斯彰有盛斯傳也夫爰綜其顛末勒之以誌不朽若夫神功之浩大佛法之元妙則略而不陳盟讀也

重修明倫堂忠孝節義碑文

嘉慶二年歲次在丁巳閏六月中悅

古聖人設學以勵天下之人地雖有序庠黨塾之殊而教則一孟子所云人倫明行則旌別淑慝之意實並行其間光祖善世之大權蓋於是而可觀也易稽而後泰交之象

斯著財成輔相用協於中夫教無同異施有後先人惟不盡明而制之激揚而風勵之雖夫婦之愚將駸駸乎有士君子之德而謂踰濟□珮皇朝龍興遼左覃敷文教薄海昭問義故邠岐右壤而地介蒙古茅蒞版圖因以屢易且中亘反側舊俗小大和之理彬彬文質與化日新彼甘自外於名教者蓋亦鮮矣惟州學之建越今六十年其學署明倫堂及□或遂闕焉甚非所以興教化而奉行德意也德興於嘉慶詞元丙辰夏來牧是邦至即波波焉與學博沙君暨諸紳士謀共相助復其舊規沙君是不可以無記爰上推朝廷立學教人之意且以究夫宜民善俗事有漸臻可見是堂固倫之所藉以明而詞勿替列以時加意而振興之將是士風日古而民氣益勵也實所厚望也是以爲記

大嶺屯關聖帝君廟碑記

嘉慶二年
閏六月

劉 焯

嘗思修祠建廟原爲安神勒碑刻銘亦以表德如關帝君其功其德不勝舉矣景威名之震疊功昭蜀漢仰聲名之赫濯志在春秋聖武神謨力承兩朝四百忠肝義胆勇扶鼎足三分是以顯智勇於東吳奪精神於北魏浩氣充塞乎天地威風遍傳於寰區所謂先武穆而神後文宣而聖者秦以來一人而已非惟生全忠義且死顯威靈濟困扶危當年之英靈屢見衛民護國兩日之顯赫重逢有感斯通無求不應所以由神而帝

每授歷代之勅封由聖而佛常享萬民之香火非浩然正氣所致哉功德洋溢難以盡
題聊叙俚言以誌不朽

重修上帝廟碑記

嘉慶三年歲次戊午蒲月

直隸永平府昌黎府學增廣生員 齊冲霄

蓋聞莫爲之前雖美弗彰莫爲之後雖盛弗傳是二者未始不相須也重修上帝廟是
已世傳義郡上帝廟舊有基址雖欲考其初而年遠無稽暫以重修順治九年固倫公
主增其舊制施舍房地以爲奉祀香火之資其意固欲世世相沿奉之勿替也迄後僧
人廢弛廟宇殘破房地典當殆盡使無體公主之心以爲心理其事而行之者則上帝
之廟零落已在乾隆四十九年前矣適有紳士艾名標自湖北終養目睹心傷因邀親
友五六人捐金繕修贖回房地若干庶奉祠者得所養贍即歷千百世常存上帝廟可
也而今而後有希圖廟產影射取利者其孰甘心焉且現任牧伯嚴明力爲整頓正大
有功於是廟也後有廣行善事普結良緣者胥準諸此矣此所謂垂之不朽而留爲後
人法者約類是也夫美不自美因人而彰蘭亭也不遇右軍則激湍修竹誰復傳爲佳
話哉是廟也介城西北人民瞻仰不書所由使盛事弗彰恐阻從善之心故勒諸石

南關關帝廟碑

嘉慶四年

署義州學正 劉克柔

國家海守昇平自省會以迄邨堡威靈赫而廟祀崇者惟關聖爲最考公以漢前將軍

封漢壽亭侯宋大觀中追封武安王本朝祀典尊崇帝位廟號義勇則義州之祀公也
正宜義州古同昌也元始置州國初察哈爾內附爲額駙備外藩爰以其地畀之爲公
主湯沐邑康熙十四年逆藩不靖蠢動跳梁今佐領德保之祖諱辛珠時爲護衛馳行
告變至廟前已人疲馬憊矣假寐時夢神催行視馬則騰驤奮迅駿采異常遂乃奔懇
闕廷請兵靖逆天子嘉其忠俾世襲輕車都尉荷蒙神庥榮膺帶礪是關聖之大有造
予義邑也今守尉岳寧以內府名族由員外郎出管盛京內務府旋膺欽命來鎮茲土
刺史覺羅德興天潢宗派以名孝廉令蓋平特簡卓異來守是州二公練公撫民率皆
見義勇爲寅恭和濟用能風厚俗美物阜民安俾各知義以爲質勇而有禮二公法帝
君之義勇而推行之而義州遂爲樂土矣乙未春公等恐帝君靈貺久或湮沒思鐫石
以昭後世囑克柔爲記克柔並記二公之政績以傳不朽云

重修土地祠碑記

嘉慶十四年
歲次己巳

己酉科舉人候選
知縣廣寧縣訓導邊志醇

土地尊神即古社公方社之神也古者社所以祭五土之祇穀非土 以主故與稷並

祀之王爲羣姓立社曰大社諸侯爲百姓立社曰國社大夫以下成羣立社曰置社者

居 百家則以得立社之謂也又考之孝經緯曰社土地之主也土地潤而不盡敬故

封土爲社以報功昔共工氏之伯九也其子曰后土勾龍能平九有故祀以爲社地官

封人曰 封國必設其社稷之壇自有明洪武初大封天下城隍召王及公侯伯等爵而社神始別祭之土地之神又別祭之則土之神爵若殺於城隍及社神矣國朝因亡凡京省及府州縣治特立專祠春秋朔望皆致祭焉義州捕署專祠之外復於城之東街舊有土地祠三楹係乾隆十七年李公雷東所建其殆古者國社之外成羣立社所謂置社者歟位雖不尊神雖不赫然爲上天耳目紀人之善惡司人之生死掌歲之豐非生前聰明正直之人不足當其選也此祠因歲久廟貌傾頽僧人興池欲自出香資重修商於現任吏目任公公樂從所請捐俸勸事於春月興工五月初煥然改觀夫任尹職非尊顯而留心修葺於土地之神致誠敬焉亦可謂有地方之責而以敬神之心爲愛民之心者矣任君因公赴省囑余爲文以記其事於事書

新建韋馱殿碑記

嘉慶十五年歲次庚午秋七月

義州學生員李

璐

今以神之有韋馱也不知始於何代矣而至廟之塑韋馱也已遍乎溥天之下矣然既奉之於前故不得不塑像於今也義州南關外關帝廟之右有佛殿三間三皇殿三間以及山門羣牆並東西耳房僧本達於乾隆五十九年另改地基重爲修理已經數秋共費銀一千九百兩又於嘉慶庚申年金粧佛□佛像新刻匾對前後幔幔大殿葺補且兼修東廂房三間東西二門共費銀五百五十兩迄今歲又新建韋馱殿一間於中

殿之後不數月間工已告竣共費銀二百五十兩今則廟貌無不煥然一新丹楹刻栱而流芳百世以誌不朽云

重修南關關帝廟崇聖祠碑記

嘉慶十六年歲辛未仲夏五月穀旦

庚申恩科舉人王待聘

凡天下省會郡邑所在巒宮設神主祀孔夫子莫不春秋虔奉極其俎豆馨香其在京師天子且釋菜牲醪躬親奉祠生民來所未有也繼孔夫子後七百有餘年有關夫子其祠祭所在凡遐域僻壤殊方異俗之境所以崇構丹雘照耀日星塑像裝金杼誠矢敬以祠者奚啻千萬億數夫振不世出之勳業者非不功勒太常祀崇三禮獎其禦灾捍患之勞褒其勤國保民之績然或專祀一方不必遍於四海延祭數世不能永於千秋蓋生則雖榮沒則已焉耳關夫子之祠祭殆自漢以來歷代俱有封典國朝感其顯靈默凜其神威赫奕春秋二祭載在祀典孔夫子相等埒蓋至於今千有六百餘歲矣而天下之地至廣也天下之人至衆也莫不卜地建祠歲時瞻禮舞拜以盡其不敢褻瀆之情亦莫不隨時修葺補偏起廢以妥夫神靈之憑依猗歟盛哉亦亘古來所未有也義州城南里許關帝廟創建於元至正二十年重修於明正統九年至國朝康熙二十年四十年兩次重修五十三年置石獅一付五十八年創建戲樓及雍正六年創建正殿前捲棚三間七年樹旗杆一對九年創建山門馬殿三間十年金裝神像及乾隆

四年十七年兩次重修戲樓二十六年秋創建後殿崇聖祠三間兩廊六間二十九年重修正殿捲棚因及馬殿東西鐘鼓樓四十八年重修西廊及馬殿五十七年重修正殿捲棚戲樓旗杆自創至今四百五十有二矣今距前重修則十有九年矣風雨鳥鼠不能無漂搖剝蝕其後殿漸就坍塌迎神侑靈之際悉不能無惕愴於懷山西會人等乃同募得士商金及各捐資重修崇聖祠以及兩廊至於正殿捲棚東西廊鐘樓因併爲葺補工興於辛未暮春迄夏五告成計費五百餘金工竣乞記于余余考舊碣元至正二十年陳忠遂序關夫子事跡論列詳愷國朝乾隆二十六年州牧那公諱淳紀崇聖祠緣起甚悉四十八年余師楊椒園先生碑記頌關夫子行誼更爲深摯而州牧鄭公廷觀所謂東扶炎漢西定巴蜀南拒孫吳北吞曹魏義重君臣情深兄弟生全忠節赫顯威靈一聯所以紀事跡頌行誼獨爲意懇而詞該茲悉不叙弟叙其年月工程實以關夫子之德深感人心有非卑瑣之言所能罄亦如欲名孔夫子之德而難爲言又以見邑人士之好德不能忘卑後之覽者愈有奮其鼓舞之志而因以成其隨時葺補之謀焉耳謹記

義州東街重修奉國寺碑記

嘉慶十六年歲次辛未
秋八月上浣穀旦立石

奉天府學
漢軍生員王廷業

義邑城內及負郭神祠梵刹凡四十餘所四境之內殆不可屈指數然規模恢宏者有

之山藻華麗者有之而殿宇巍峩塑像高大則未有如奉國寺者茲寺也其祠刹之巨
擘矣乎寺俗號大佛寺考古碑始名咸熙繼改奉國寺創於北朝遼開泰九年時南朝
宋真宗當天禧四年處士焦希贊者相度風水既建塔於西南隅高十三丈餘復於東
北隅建茲寺想亦有慕於神道設教天書疊降之意也乎然觀于咸熙奉國之名則有
效治唐虞堯舜其君之心亦臣子禱祝媚茲之雅意則茲寺之建正爲恐其不高且大
也寺正殿九間高七丈餘塑佛像七尊相副至所謂兩長廊二百間爲遼末時寺僧捷
公及金天眷時沙門義擢二人所繼成今已改爲東西宮及毘盧菴矣臨大街山門三
間院極寬濶正殿前爲萬壽殿三楹牌坊一座係我朝城守尉劉公率邑人創建爲慶
祝萬壽山呼之地而雍正十三年初置牧州時州牧亦于斯宣講聖諭十六條以警人
心勵風俗此其爲布教化展忠敬之所在不綦重歟溯歷代重修始於金明昌三年繼
則元大德七年至正十五年前明成化二十三年嘉靖十五年萬曆三十一年至我朝
康熙十三年及四十五年乾隆二十一年凡九次距今五十五年自創至今蓋七百九
十有二年矣殘毀旣甚嘉慶六年夏殿東第三間前簷又復坍塌有志於世道人心者
詎忍坐視而弗爲葺理城守尉福公於十三年鎮守斯土觸目而心爲之惻今歲春謀
於州尊耀公遂同捐俸以爲之倡閣義郡旗民官員士商無不樂爲贊襄于是擇精明

者數人俾董厥事鳩工庀材補其闕廢飾其彩金一概修葺又於正殿及牌坊外增修正門一間鐘亭一座聯築石墻環護辛未春三月興工計費金三千貳百九十八兩住持僧祖球捐助銀五百兩迄七月初旬工竣福公問序于予義不容辭又不能文亦祇紀其顛末誌其工程俾後之鎮撫斯邑者有以窺夫福公耀公不敢忽於世道人心之微意而於斯寺必葺理之務及時耳爰爲記

重修藥王廟碑記

嘉慶十七年歲次壬申五月癸酉穀旦立

庚申恩科舉人王待聘

孔子論堯舜猶病孟子敘文王如傷聖慈仁心痛瘵在抱欲斯民同登壽域其視羲農黃帝既爲足菽粟教桑麻以謀衣食復爲之醫藥以拯其疾病天扎德意之醇均與天無極蓋古哲后吉凶與民同患所以心民之心者於斯可見聖人之心先後同揆國朝勅命脩醫書正醫學纂爲醫宗金鑒一書仰見聖天子加惠元□之慈無所不至不啻□□傷而已歷師相仙流仁愛而聰明理達廉 醇良精於醫藥則醫俗醫國壽國壽民有□有契乎往哲之醇□□而默相夫當今之聖慈是皆大有功績於斯民者所可同年語哉其祠□□所極宜因時治理矣義州南街東巷內藥王廟創於國朝康熙十三年重修於四十四年乾隆二十一年四十九年兩次重修歷年久遠又見摧殘住持僧傳興目擊心惻爰募得金資爲之脩葺嘉慶十三年春開工於前後大殿□整補勦

之於東西禪堂則揭瓦葺理之高繕夫四圍垣墻也石砌夫中間甬路也彩畫棟稅金裝神像迄今五年間□次就理共費金六百餘兩廟貌整肅煥然爲之一新由是而妥神靈其所以陰佑夫國家燮理調劑以廣夫往聖□德意者亦寧有極哉工峻乞序於余因爲之述夫聖賢仁民之意總括其創修之顛末俾後之覽者有以不墜夫修補之意云爾

娘娘廟碑記

嘉慶二十五年歲次庚辰辛巳月

戊辰舉人王旭齡

緬聖人以神道教天下咸舉凡祭法所詳春官所掌悉載明禋典至鉅也義州城內娘娘廟創建於康熙丁巳邑人療疾明目祈祠延齡者殆昉諸行見塔浮梵宇舍利猶存水繞曇雲瑤池在望敷厚德於坤元法源實宏以翕闢冠羣仙於上界明明倍著以巍煌體昊倉祐順之原膺橐籥資生之柄黔首向往如覩代宗其後殿爲大士像篆縈蓮座化演竹林蓋依然普陀勝境焉時屆乾隆乙酉有山主玉璐同會首等募金訖督工修飭基址爲之一新佛地長春心燈有繫至戊子方迎土默僧福盛率徒衆而居之旋

至辛丑僧乃自捐鉢孟之資贖回廟中香火地一百八十五畝計費市錢二千三百五十吊歷年來廟貌漸殘每欲修葺有志未遂職爾西遊及僧徒孫澄敏於嘉慶壬戌詣京求戒入潭柘寺參學正思久依名利得却塵緣嗣聞此廟主持乏人不得已始於甲

成年自京歸來環顧四圍未傾頽而已損過半矣以故發心整理懇求好善仁人領袖於城堡鄉村插草唱緣共募金二千八百餘吊自丁丑春興工季夏而止前後殿宇雖微遜曩昔壯麗然亦頓覺改觀計費金三千有餘惟垣宇尙餘闕略之處僧因庚辰春又懇求檀越捐金修補用追暨茱丹屨之遺則知會中推奉彌虔而上聖亦必默爲垂佑功特豎石碑以旌十方善士芳名余與僧接契有年是廟顛末皆知遂援筆而爲之

誌採訪者
胡東垣

義州火神皂君酒仙廟重修碑記

嘉慶二十五年
歲次庚辰荷月

庚申恩
科舉人王待聘

聖王之制祀也法施於民則祀之又曰人地之五行所以生殖也柳下惠云然夫法之所□有勅 日用飲食者乎民惟水火以生活而畫卦則離火配坎水序壽則水次以火明手鼎奎□□□之爲用廣矣大矣食以養陰飲以養陽亦非皂不爲功食饌設而酒醴先酒亦賓祭所借□□教合歡者也其功於日用民生而不可以一日缺者遵法守度蓋自古然矣鬼神體物而不可遺火也皂也酒也詎非造化之迹俱有其神之來而伸者乎先賢云古人飲食每種各出少許□□□門之地以祭先代始爲飲食之人不忘本也則夫後世所以俎豆尸祝之者火神皂君酒仙□世俗之稱然觀於月令云其神祝融其祀皂傳曰儀狄作酒周官亦垂酒人之制而知□遵古事而不能或曷者

固以不敢忘本之意也亦可驗神之物體不遺矣則棲神之所又烏得不□□□
整理以壯觀瞻也哉又道內坤陽嘉福寺塔後舊有康熙五十三年創建火神皂君酒
仙廟迄今百有十一年矣經乾隆三年八年二十四年凡次重修六年來又經摧折
剝結住持僧海月不勝蒿目驚心嘉慶庚辰春爰叩募士商指修大殿三間山門一間
殿兩間西羅主廟一間東海葛二仙廟一間西客位四間羣墻工起於二月至夏工峻
共費千金有餘□見金碧交輝丹雘彰彩向之摧殘剝結者凡三閱月而煥然維新矣
住持僧與經理人之勞吾邑士商之捐助正曰不可泯沒爲之也用垂久遠以勸來者

採訪者胡東垣此
碑在城內酒仙廟

重修祖師廟碑記

嘉慶四八年歲次
癸卯孟夏月立石

奉天府南路廳安東縣
學吏部保題即補知縣

王化涵

蓋聞碑者誌也古者誌於碑此何以誌誌其不獨爲公輸子也百工居肆是則是效其
廟自康熙五十二年延及至今創始增新代有善良而或捐資財或繪神像不必農商
工賈各勤本務即都人士宦亦助餘貲前此山門執事客室旂杆歷年修葺勒之碑石
卓然可考猗歟休哉何其盛也粵至嘉慶十七年春季興工乃重修大殿三間東西配
房四間客坐三間以至茶棚山門羣墻神路月台等補從前之缺略完未竟之技能金
裝佛像刻角丹楹燦然大備非可謂神功協應默佑一方耶生斯地者仰火化而慶昇

平咏民康而樂物阜擊壤歌衢沐唐虞之休嘉者百年餘茲矣神威廣照福曜常臨率作倡先聞風興起今春上院諸功告成屬予作文予竊幸斯舉也享祀必虔久而弗替尊師念切會誰敢忘是誠不相之盛世也遂不揣固陋而爲之誌

修箭廳碑記

道光元年四月
上流吉日立

義州城
守尉

恒森

嘗思城有守而始固兵以箭而能精是訓練之方不可不講而教演之地亦不可不設也義郡郭外西北舊有教場之設遠民居而無害近城垣而可守映山依水固教場之所以最善者也故八旂公舉官捐其俸兵捐其餉於今選擇置買得官地而修箭廳三間抱廈三間平房三間月台高聳影壁輝煌則兵有專務官有定所庶一時之公舉不設而百世之武備永修矣工竣特爲之誌

計開

原置買地一段六十六畝東至高姓地西至王姓地南至道北至高姓地東長七十八丈三尺西長九十六丈五尺南寬四十六丈九尺北寬四十六丈九尺此置地契戶司存收

重修蚘蜡廟碑記

道光六年六
月穀旦立

貢韓
生佩

蓋蜡祭始於伊耆氏王先齋而祭司齋祀百種以報衆神也古君子迎貓爲其食田鼠

迎虎爲其食田豕所以隆報本之典亦以驗時序之豐即有蜡祭即有蜡神詩云去其
蠹賊恐其害田穉也田祖有神欲其遂螟螣也昔人行之以記順從後人遵之以爲祈
禱故相傳至今永垂弗靖斯寺自乾隆四十年重修迄今五十餘載而廟貌之摧殘實
不忍目覩矣去歲飛蝗入境義州知州鳴學正董吏目任爲民祈福見棟宇之傾頽門
墻之彫敝神像之灘塌前後殿之零落益思有以修之於是官長捐金以倡其始紳士
竭力以繼其終商農傾囊以勸其成缺者起而廢者興不數月而前殿山門羣墻角門
無不煥然一新因本廟僧廣德折焚香火萍踪無定諭令緊鄰僧少寧住持管理寧亦
頗具善緣率其弟溶虔心苦化贖出香火房地又補修觀音殿五間重門二間磚鋪院
宇石砌墻垣後先輝映彩畫龍蛇之光內外增新影燦鴛鴦之色事成囑予作文以記
之予何能言亦維略述顛末以誌不朽云

大佛寺無量殿碑

道光二十七年歲次
丁未桂月中浣穀旦

義州學
生員李得昌

蓋嘗聞天下之善士不有爲之前者雖善而弗見不有爲之後者雖善而弗傳故從善
如登端賴前後有人矣如無量殿義郡一勝境也內供 萬壽佛 萬壽牌工程既見
廓大廟貌可稱莊嚴自康熙年重修至嘉慶年又重修前後二次俱修整齊迺及道光
二十七年數十年以來風雨摧殘殿宇漸漸損壞不有葺補難壯觀瞻住持僧興德目

擊心傷不忍坐視所以叩化貴官長者士庶賢英喜捨貲財共成勝事因而揭瓦刷洗
正殿三間山門一所牌樓一座以至週圍羣牆無不煥然一新而僧終不能釋然也思
前人之修爲有據恐後人之繼續無憑特立碑記以彰前功以傳後裔其徒隆章徒孫

傳誠持念秉虔悉知所據心云爾是爲序此碑在大佛寺萬壽殿東邊小碑即是

上帝廟重修碑道光十年歲次庚寅春三月吉日立

嘉慶庚申恩科舉人王待聘

天即理也一而已矣以其形氣而言謂之天以其主宰而言謂之帝周禮春官云以禋
祀祀昊天上帝蓋主中央管攝四方也而東方蒼天南炎天西浩天北方則曰玄天現
於淮南子亦必皆有主宰而謂之上帝也邢爾雅疏曰四方皆有七宿各成一形東
方成龍形西虎形南鳥形而北方則成龜形石氏星經云北方玄武七宿斗有龍蛇盤
結之象牛蛇象女龜形虛危室壁皆龜蛇盤蚪之象故彰旗龜蛇四旒鳥旒曲禮所謂後玄武也
此皆以在天成象者言之若以人言禮月令所謂春祀太皞夏祀炎帝四季祀黃帝秋
祀少皞至帝顓頊則祀之冬固皆以其繼天出治而爲有功於民者也然則玄天上帝
即帝顓頊矣後世憑附會爲披髮跣足力攝蒼龜巨蛇于足下不亦誣乎則妥神侑靈
之所不求其整肅端嚴夫豈可哉州城內乾隅舊有玄天上帝廟創建無由稽考覽順
治九年碑記但謂金元崇奉六百餘年經兵火四十年而已嗣後重修三次康熙四十

九年乾隆三十年嘉慶三年皆有碑記可考其乾隆年碑記係先師楊夫子諱森所撰竊意茲廟之建至今蓋八百零九矣疑與奉國寺相先後距末久重修則又已三十五年今又偏敝坍塌住持僧隆渭蒿目心惻爰叩乞經理人等叩募得金鳩工庀材亟爲整飭大殿三間帝像裝金從神十四一概粉畫山門三間龍虎二將圍墻二百餘丈大殿西爲彌勒殿三間兩旁方丈偏者正之敝者補之坍塌修葺之山門右又創造平房五間煥然一新非復舊態其規模恢厥足以壯觀蓋奉國寺而外惟茲廟甲於一州工始七年二月至夏五月工竣共糜市錢六千四百餘吊住持僧之功力可嘉州人士之捐助誠尤不可泯沒爰爲之記以勸後來之繼起者

重修關帝廟碑記

道光二十二年
歲次壬寅六月

義州乙酉
科貢生 韓

佩

天地之所以不息人心之所以常存者義是也貞之足以幹事精之可以入神其爲氣也至大至剛其爲理也宜今宜古其範圍天地而不過曲誠萬物而不遺者乎有如關帝之在桃園也友誼也而臣道昭焉扶漢室也武功也而臣謨寓焉凡此皆義也皆自讀春秋來也以故佐漢據蜀一春秋之尊天王也滅吳吞魏一春秋之攘異域也所以後之人勒諸碑銘曰心印尼山著之匾額曰情符泗水然則義之爲義士矣哉義州南關之關帝廟創自大元粵者明迄本朝四百餘年其增補重修俱有碑記無煩悉數茲

因正殿三楹捲棚三楹已摧殘不可復觀矣於是山西會衆並滿漢八旗同心戮力互相濟籌共募化銀二仟餘兩自道光二十一年冬季修料二十二年二月初旬興工及六月末告竣金粧神像彩畫雕梁大殿捲棚羣牆角門無不煥然一新將見簷牙高啄之飛龍蛇之光瓦縫參差影燦鴛鴦之色今工程既畢亦爲誌其顛末而已至若神靈閣顯赫幽明之護庇並一切伏魔鎮祟降康禍福之詞皆略而不陳懼瀆也是爲記

八塔子山碑記

道光二十七年九月立

賜進士出身前江南淮海兵備道

趙廷熙

義州城南二十二里八塔山舊有故名八塔山乾隆元年修志書時八塔傾圮不全今又百餘年矣余於道光乙巳四月赴團山祭掃先塋便登八塔山見所存僅三塔尙剝落其二查方輿家言山有寶塔最發科甲此山爲該處一帶風水攸關因囑新民屯胡石泉表侄督工購料如數補修以符舊制乃修復三次年丙午科鄉試新民屯之劉元受中式文舉人團山堡之康兆麟中式武舉人咸以爲修復寶塔之驗余不敢據以爲然理或有之石泉謂余曰塔之復修不可不誌以年月爰爲叙其顛末云爾

清真寺碑記

道光二十八年歲次戊申孟秋月上浣

儒生韓殿卿

蓋聞本教之西域也各守其教獨處一方敬業樂羣原不必向中華而歌樂土乃自大貞觀時奉旨頒請入朝勅封鎮國本教遂處於天下因之建寺立祠以爲朝拜之地屈

指計之迄今已千餘年維茲義郡仍有清真寺一所建自本朝雍正年間大殿三間前有捲棚後有抱厦刻桷丹楹備極美麗誠爲一郡之巨觀也至嘉慶十二年坍塌損壞及十八年重新修理增其舊制另建高樓一座峻宇雕牆視前更爲美麗無如歷年之久風雨飄搖木腐虫生墻空鼠育觀剝落之形起更新之意奈工程浩大物力維艱獨力難支衆謀莫集而意乃中止及今春忽有本教人楊泰安不忍坐視會同教長馬文斗與閤教耆老趨踰董率以爲備葺之計聞之者無不從善如登傾囊竭力於是庀材聚匠剔瓦煥磚不數月而厥功告成自大殿影路講堂平房以及山門旁門週圍墻垣無不煥然一新因刊他山之石以誌千載之盛

祖師廟揭瓦客堂東西耳房碑記

清咸豐二年歲次壬子六月月上旬穀旦立

義州之有祖師廟也創自康熙五十二年迄今百有餘歲其間修廢舉墜歷有碑記可考勿庸贅旒惟於康熙五十三年置買冊地六日嘉慶二年修蓋平房四間以爲香火之資永不與僧壓租轉當未經詳載恐年深日久湮沒無聞茲因道光三十年揭瓦客舍三間西耳房二間工竣并將顛末詳明刻石以志不朽云

計地一段座落廟西南 四至東西至道南至高姓地北至荒隔

重修嘉福寺碑文

清咸豐二年歲次辛亥六月中浣

賜進士出身誥授朝議大夫口部貴州司主事加三級紀錄五次

李維藩

蓋聞銀山鐵壁真如會法之年金地珠林元奘譯經之所三千寶座迥出天宮八萬珍
臺遙臨淨域現雖摩於紺宇識舍利於銀函道妙無爲功有作義郡西南隅浮圖高矗
傳爲李唐時所建下承以石臺高丈許其上殿宇五楹中祀釋迦文殊普賢左祀至聖
先師右祀漢前將軍關壯繆公則志所稱嘉福寺者是也恢宏衆教開設仁祠雲霞騰
槃蓋之輝風雨捲相輪而至十色五光接閱峰而勢峻隅樓重閣鎮凌水而波恬巍然
千載之閣黎允矣三韓之名勝乃者晷景寢遠靈宇旣頽粉墨眇昏丹青剝落雕甍頽
而風日穿漏崇垣圯而甃甃零星維藩家居讀禮過而愾然咨於同志式是崇規重葺
遵台廣資檀施煥莊嚴之室於同禮空玉飾金碧於祇園更開法界凡三閱月而工竣
爲芬楣繪日騰繚雲萃鷲峰鹿苑之奇兼八水雙林之秀畫棟崇隆肅觀瞻於蘭若珠
幡璨祀妥修夫椒馨所冀青鴛伽藍現梅陀身而說法白狼童子澄菩提果以宏風式
降神庥永昭靈佑

錦州重修文昌宮碑記

清咸豐二
年辛亥

進士 江南
淮海兵備道趙廷熙

錦城東南隅舊有廟宇奉祀文昌帝君城垣之上有樓一座奉祀奎星皆所以重文教
而育人材郡之人資庇廕焉自嘉慶辛酉修葺以來已歷四十餘年規模尙在傾圯堪
虞余於乙巳春引退回籍適樊幼山觀察亦請假掃墓先後到錦明經陳思忠以興修

文昌奎樓來謀於予曰僧人廣明經理是廟焚掃維殷朝夕募化積聚已有百金立意修復乃經費浩繁非一木所能支余曰此盛事也且文運攸關理宜整肅因幼山首爲之倡而闔郡士人亦咸樂爲資助焉即於次年庚午陳明經引爲己任同僧人廣明占星揆日相度經營購料督工不辭勞瘁不數月工告成惟奎星樓未之能及越明年余復與幼山公同捐辦將城垣綻裂處拆修七尺有餘以固其基樓宇修復如舊茂才趙廷桂朱履謙捐修馬道共襄盛舉維時木者石者陶圻者丹堊而儀也余以老邁不克躬親籌運經營竊喜坐觀厥成焉惟祝神靈默佑俾闔郡人文蒸蒸日上蜚聲翰苑聯步瀛洲於此有厚望焉豈徒崇輪奐而壯觀瞻已哉爰載筆而爲之記

重立棋杆鞞鼓碑記

同治五年丙寅
甲午月庚辰日

義州
生員 康縉元

山西崇奉關聖帝君愈久而愈不勑小有殘缺曆年葺修俱屬實在功德於咸豐十一年間山門外棋杆烈風摧折合會購材重立同治五年西鼓樓裂又出金新鞞之二者共費銀二千有餘盡是會中捐資並無外募一文工既竣爰勒石并誌顛末至若神威之顯赫聖德之靈長前賢頌揚綦衆茲不復贅且不勝贅云

僧忠親王祠碑記

清同治
四年

賜同進士出身頭品頂戴都察院
副都御史巡撫河南節制各鎮

李鶴年

同治四年科爾沁僧忠親王戰歿於曹州天子震悼命死事地方及出師省分咸建專

祠有司春秋致祭於是直隸江南山東河南湖北皆次第舉行河南爲王立功地鶴年適承乏是疆旣削平諸逆因以七年冬檄布政使卞室第委知府李德均鳩工庀材數閱月而祠成凡爲堂五楹門階三重東西廡序附祠相望牲庖灌漑之所籩豆彝勺之器以新以堅攸處攸宇所以宣主之恩德飾下民之觀仰者不侈而完不華而崇落成之日躬率所屬以少牢告祭四郊之民扶老絜幼觀者如堵墻有泣下者以是知王之恩澤其入於人心者於豫爲益深且久也憶昔官翰林歷御史出入承朋數遇王於朝堂時方承平王以勳戚居藩術雍容警蹕之間初無所爲表樹而沈毅之氣深閎之度使人望而增畏敬及王秉越閩外一遏暎夷再翦奧寇功業漸著於天下則又未嘗不心焉異之迨至鶴年奉命參軍事於宋州親與王居兵間見其所設施王於忠誠惻怛而所指麾不勒雖老壯行軍者不能及乃始歎問之所窺於王者猶其淺焉者耳獨冀追隨軍旅得與於飲至策勳之未以爲幸乃未幾移臬畿輔備兵保南猶時髣髴王之治軍以即戎事明年來撫豫而王已授命疆場區區之志率不得與王其功名以垂不朽爲可慨也夫方其擒張落行破苗沛霖旬月之間賊勢瓦解非曹州之亂中原已可耆定不幸一蹶逆燄復張殆亦有數存焉然蕩平之局實基於此大厦成而匠石隕王其可以無憾也矣論者或以王之忠義勃發有功社稷擬之金日磾李晟渾不知王

之交孚簡在雖阿衡一德無以過之出師近十年置家事於不問則又庶幾胼胝乘載
八年在外之軌也夫豈三代下所可比數哉王之功烈載史冊德意浹人心俱無待於
言茲特就鶴年與王離合之故中州土民所詎思不忘者敷陳其概書於麗牲之石又
爲之詩以妥神佑爾焉其詞曰

天命在清 丕基肇造 蒙古索倫 煥汗其號 四十八部 屏藩盛京 王爲之
師 實掌厥盟 恩禮有備 胡公封陳 呂及宿衛 四典禁旅 出爲總戎 兵
畏所臨 男權女怵 及其既去 乃反怨恫 維豫之民 歌懷勿輟 蒸嘗報祀
萬舞在宮 溪毛黃酌 簞壺來同 史藏其功 祝受其祉 刻石穹牌 以示無
止

重修彌勒寺碑記

同治九年

丁卯 舉人 馬芳田

嘗聞道本一中專崇東魯之至聖道稱無上兼禮西方之王法古先王神道設教無非
使人去惡爲善同偕之大道而已義州城南大嶺彌勒寺地屬同昌路連無慮接祥煙
於嘉福鐘靈氣於巫閭竹窗曉闌八塔參差蓮界晴開雙山列峙曩時橘柚荒庭騰龍
蛇於畫壁此際仙官花麓宿斗牛於紗窗丹墻螭角壯蘭若之巨觀紫柱虹梁資檀那
之大力由是法雲垂蔭綱紐迦維慧日當空照臨震旦氣茂三明無緣之慈慈恩乃大

情超六入不施不捨捨尤多聿崇象教非增踵事之華既竣鳩工當引書名之列是知
理衷一是非徒語夫空談道有同歸皆求功於心性所以白雲茅屋詩客怡情禪報蒲
團名流會意李青蓮託金粟之身白居易結香山之社此一舉也將見護法極靈文人
蔚起俾智愚賢否之倫咸知道無異道因以鼓舞而振興焉則所以勒諸貞珉者固將
以行道有福而非以好施爲名也已

重修錦州魁星樓碑記

同治九年

李鶴年

考之星經奎十六星環繞天子之府庫史記天官書云奎曰封豕爲溝瀆以明爲吉於
文教無與焉惟漢書天文志北斗七星平旦建者斗魁海岱亦北斗也世晉書天文志
文昌六星在北斗魁前北斗自一至四謂之魁其第一星曰天魁第二星曰從魁又天
官書斗魁戴筐六星曰文昌宮天皇會通文昌位於北斗之上欲明文命敷於四海法
文昌也陳琳大荒賦攝提運杓文昌承魁由此言之祀文昌者必奉北斗奎則魁星即
斗魁非奎也世俗之起奎光閣奎星樓均用奎者誤矣奉天府遼陽州地當盛京之南
爲國朝龍興之區其象似斗魁環衛北極是以人文蔚起前則斬文襄公勳業爛然後
則玉瑤蜂先生甲科高擢其間之瑰奇輩出不可勝計洵稱文明之邦焉郡城東南隅
舊有魁星樓於咸豐九年不戒於火邑人士室楚白號陳侯王介堂承泰階楊英堂李

斯土下車拜謁之餘即有重修之意余因將有不果之謀備陳縷縷福君即慨然爲己任爰約閩邑衆紳等會商一切事宜衆紳等俱急公好義不殫勤勞共成盛舉因之官紳各捐廉俸士民各助資財紳士之在城鄉者亦俱就其鄰近戶口互相勸募共捐得實銀六千八百餘兩遂於光緒五年三月諏吉開工次年五月歲事其自聖宮文昌宮奎星樓以及聚星書院俱仍其舊制煥然一新從此文運聿開士風丕振加以書院諸生之爭相濯磨上以慰盛朝作養人材之意即不以啓後賢開往繼來之風不得謂非福君倡率之功也亦不謂非衆紳贊襄之力也謹綜前後事宜而爲之序伏望後之君子及時修葺俾廟貌常新是所後望也夫至繕修各處之費若干則更刻石於右以便觀覽而垂永久不朽云

重修聚星書院碑記

光緒八年三月

理問李珠等

蓋聞有實事必有實紀不徒彰當時建興之功亦欲垂後來稽察之據義州聚星書院於光緒八年三月重立所有化消進項章程條款俱各存案而始末原由條分縷析備載於書又刻諸石者爲石與書互相證佐失彼則有此失此則有彼再再經心不過期歷久不墜共扶文教云爾謹將存款地段開列於後

一發交當商本錢五萬吊每年利息一分合錢五千吊整

一舊有地三百七十五畝坐落高馬關每年租錢五百一十吊文契存房

一舊有地一段坐落城東小榆樹堡每年租錢七十吊

一無論正署官長每年捐廉三百吊二月初二日甄別場發出

一廟外路北房宅三所義學佔三間一所餘兩所考課生童住

一此碑矮小不及備載各項收款俱經紳董稟明轉詳各憲立案存卷可查并有本書

院實錄可考

重修大佛寺碑

光緒八年秋

義州學合辦附生 耿慶泉

且夫存心禮佛則七寶裝之所存必宜修理而勢若補天欲五色石之難煉大費躊躇維茲義郡東街舊有奉國寺一所觀其碑誌在大遼已屬重修數代以來風剝雨蝕益甚摧殘雖已迭經葺補而規模闊大局勢崇隆則此須之工料正如以燕啄之泥補翬飛之室不免顧此而失彼耳迄今閱時益久摧殘益甚非大興土木盡爲整理難期其完固而久長也况自近年以來於每月朔望爲州尊講聖諭化導軍民之所尤宜使之嚴整肅觀瞻以重典禮是以佐領沃林布委官德克京額商民顧允升等幫助住持僧隆泰等盡心募化竭力經營以成此勝事而州尊福大老爺尤不殫吹噓之力焉計自光緒七年春季興工至八年秋季將大雄殿八十一間無量殿三間碑樓鐘樓各一間碑

房一所內山門一間東西便門各一間以及內外墻垣無不修理整飭煥然一新工既竣屬予爲文以記不揣字句之工拙聊以陳其顛末云爾

創立義塚碑記

光緒十一年歲次甲申閏五月立

沈萬福

蓋聞古聖人掩骼埋胔澤及枯骨後周賀蘭祥爲荊州刺史見荒塚露骸者多收葬之義塚所由昉焉義州向無義塚凡土著窮簷及僑寓物故者率皆俯郭而葬男女溷雜人無餘地可容每至暴露骸處殊甚憫惻爰與同人計議公集捐資於城之西關外購田三千畝立爲義塚俾無力塋葬挨次掩埋並於地之四至豎立界石地旁建蓋房屋三間招戶尊州出示招理仰荷澍之福老父台批准存案以地基尙狹續又捐廉倡率募友紳耆集腋成裘增置五十畝與前置義地壠畝相連從此規模宏敞庶堪多歷年所矣俾地故之屍骸而南分穴以葬男女無處相雜又見福父台仁政之成遺澤並及於泉壤也謹泐貞珉用垂久遠

新民廳撫民同知前知義州事長白福培捐資一仟五百吊

義州儒學陳陽春捐資二十吊

六品升銜署義州事委用知縣長白咸斌捐資二百吊

義州正白旗世襲佐領長白慶壽捐資五十吊

誥授奉政大夫理事同知銜前邑侯叔廉金老父台遺愛碑

光緒戊子十四年
蒲月中旬吉日立

李芝齡

寄百里之命而與民生之休戚相關者曰親民之官夫官曰親民則必以民心爲己心興養立教父母斯民而後民愛之如父母來則慕去則思此官民相感之情自古爲然豈於今而有不然哉歲丙戌光緒十二年我叔廉金老父台以軍功擢授義州刺史當其下車伊始採風問俗以振興文教爲先務其愛士也因書院舊章膏火向隅公變通之按課散給俾考課者均沾實惠時復捐廉加獎以示鼓勵寒士爲之歡顏其愛民也請問所及無事不體恤民隱聞有場規之累公通行禁止每遇勘驗案件所帶刑件差役按名發給工食至招解人犯車輛俗名紅車公亦出示免派自行捐廉按站給價以除民患均行稟請上憲立案並刻石以禁之至其聽斷詞訟事無巨細無不揆情度理以平其情隨斷隨結案無留牘民無冤獄不特兩造心悅聞者亦莫不稱頌次年秋淫雨七晝夜衙署監獄坍塌甚多公次第修葺所費甚鉅皆捐廉自任不忍藉以擾民我公愛民之實心益可概見州城西北隅逼近凌河傾圮數十丈甚爲民患公屢擬重修有志未逮乃是奉解組去之日闔邑士庶無計攀留祖餞者各失慈父母爰將公之實心實政撮集大略勒諸貞珉以誌不忘云爾公諱熙葆字叔廉江蘇太倉州嘉定縣人誥授中憲大夫升任安徽廬鳳道前邑侯樹楷李老父台去思碑

前人

古所稱循良吏稱其能愛民也然常則易變則難惟合常變而用其愛其稱乃無愧不然苟倉猝有事將於斯民之禍福安危奚所補此忠勇慈惠之李公閱二十九年於茲邑之人溯前勳懷往事尤思慕之而不能忘諱文森字樹楷貴州鎮遠人也以名進士授知縣檢發奉天曆署海城等邑所王有政聲時馬賊四起地方半遭蹂躪義州亦屢爲賊擾前牧坐是以去公奉調來義甫下車卽爲守城計除團練外捐廉募壯丁身親訓練不數日卽有股匪王達等撲犯清河門之警公率練勇往擊賊衆我寡以身先之斬獲甚夥此咸豐庚申事也明年辛酉春適賊首李鳳魁攻陷朝陽公偵知集邑紳商議曰衛民以城衛城以勇非修垣堞勤操防不可情詞慷慨民皆踴躍赴工旬日間工粗竣會城守尉丹俯金公策守禦立練長各帶勇守城晝旗夜燈以爲號公乘騎周巡無間復捐施粥餅以相慰勞皆感之咸用命固守月餘朝陽賊屢欲東犯前後賊探悉擒斬賊乃氣沮不再窺故廣寧被困義州轉禍爲福轉危爲安非我公忠勇慈惠保障有方曷克臻此其平日政蹟亦皆卓卓可傳時有青天之頌詩曰樂只君子民之父母公之謂乎惜公不久去任去之日祖餞者同聲飲泣不絕於途公亦哭不忍舍其愛民之心眞常變如一無愧古循良吏矣迄今追維遺烈每不能忘爰勒貞珉以誌甘棠之愛云爾是爲記

重修奉國寺西下院碑記

光緒十四年九月十二日穀旦立

乙酉科舉人 吳國珍

奉國禪林古刹也亦勝地也天下遠近罔弗聞知西隅下院有大悲菩薩殿五間山門一座東西門樓兩間始創於乾隆八年迄今百有餘載矣閱時既久難免風雨摧殘遺跡雖存每歎墻垣損壞僧目覩心傷不忍坐視奈工程浩大獨力難成適有本城正黃旗候補防禦藍翎驍騎校慶慨然有志共勦勝舉同僧募化十方官商長者幸得君子翕然樂施善緣既成鳩工重建不數月而悲佛殿以及僧房山門週圍羣墻無不煥然一新茲以工程告竣勒石著名以垂不朽云

重修南關關聖帝君廟碑記

光緒十六年四月既望

丙寅歲貢生 劉麟奎

癸酉科膳錄

凡人持身涉世動曰興一義事行一善功則於世有足風焉然興一義不能承志於前美弗彰行一善不克繼志於後功難濟如我義州南關舊有關聖帝君廟一所創自於元聲靈赫濯歷明迄今已數百年矣其間補缺修殘考諸碑銘殊難枚舉原期昭垂不朽歷久常新無代遠年湮日經風雨之溼搖廟貌遂頓更其舊簷牙錯落盡被雀角之穿瓦口參差難觀魚鱗之樂苟不急爲修理勢將日就摧殘於是山西闔會等謀諸滿漢八旗立志重修但工程繁浩不易垂成遂率僧募化幸四方好義共施助金二仟零七十兩於三年冬備料十四年春興工至今始歲事將後殿東西配房兩廊房前殿鐘

鼓樓山門外戲樓一概重修餘則傾者理之缺者補之衆殿普通刷漿群墻悉爲修整前後嚴潔煥然一新共費金三千六百餘兩將見棟梁雕畫施粉藻以流光殿宇輝煌清風雲而煥彩茲當刻銘之際乞序於余惜拙不文將闔會處勞軍民向善並一切邀功錫福之詞悉不贅論惟願後之理事君子好施仁人承於前而繼於後俾今之視昔亦猶昔之於今庶廟貌常昭壯麗之形神聖永享馨香之報固不避固陋遂援筆書其顛末是爲記

重修祖師廟碑記

光緒二十六年歲次庚子四月穀旦

義州正白旗文童

崇和

且夫人爲萬物之靈而獨知所報本者亦以其有仁義之心耳仁者何人之安宅也義者何人之正路也是可安曠而弗居舍而弗由乎故凡起衰振靡而能善繼前人之志不忍使其事之頽然而敗者皆仁義之心爲之也如我義郡南關舊有祖師廟一所經年已久棟宇凋殘墻垣毀圮昔日之規模雖在當年之壯麗無存簷牙之錯落每多雀角之穿瓦口參差難覩魚鄰之密若不急爲修理而風雨剝蝕不幾日就摧殘乎於是闔會人等立志重修共勦盛事無如工程浩繁不易垂成遂率僧募化幸善士仁人共施助銀二千餘兩於光緒二十五年三月興工至二十六年五月告竣將正殿三間東西耳房配房山門一概重修週圍院墻煥然一新頓見龍蟠蛇舞施粉藻以流光鳥革

翬飛接雲霄而煥彩茲當刻石之際乞予於序因不揣固陋序其顛末至若邀功錫福之詞皆略而弗贅焉是爲記

誥授奉政大夫理事同知銜花翎前邑侯仲森高老父台去思碑

李芝齡

蓋聞召伯南國化行棠樹猶思夫去□公西昌政治螭碑特立於生前是則上有興利除害之仁下有勸德銘功之義也有如前邑侯高公印欽字仲森河南華胄家傳詩禮之香遼左名臣世繼簪纓之舊於光緒丙申歲恭膺朝命去是邦時置申午之亂甫清庚癸之呼難免都緣商業蕭條以致民生困敝則目擊時艱力維敗俗變行錢法憑帖嚴禁其荒蕪創立銀行地面疎通其滯塞是市廛之內日見生機貿易之中均霑實惠也迨至庚子春天心有屬國事方殷欲彰特出之奇才更鑄非常之變局票匪倡亂擾害鄉村拳教復興焚燒房舍公乃赫然震怒毅然奮興本精明強幹之資矢報國愛民之志於是籌資募勇擊狂寇於邊陲問罪興師靖拳氛於頃刻由此賊妖之孽胥除福祿之林爭納也事方粗定念切防微清理門丁嚴編保甲外辦團防於鄉鎮內設總局於城街互相犄角大壯聲威使民自衛身家情聯桑梓飭勇密搜奸細跡遁萑苻鄰無攘雞之慮澤鮮嗷雁之哀賴衆志以成城奠各民而安堵矣未幾中國失和東方開仗俄兵入境無異狼貪民族逃生何殊鼠竄公乃性憫流离發慈祥之隱念勢當艱險盡

臣子之愚忠類張巡之守睢陽效子儀之見回紇威冒刀鎗之隊謁洋兵而奮然直前
情聯酒醴之歡化俄長而肅然起敬虎狼之氣燄不彰燕雀之驚飛始定及其寇將去
也猶恐空城無將豪徒乘隙而劫財竟於近地伏兵練勇易裝而巡警布置咸宜桀鶩
默化斯真出諸水火保全赤子重生望若雲霓無愧青天共戴矣况乎既奮武功不忘
文教栽培書院加優賞而鶴俸頻捐考試文場取真才而龍門爭附陰成桃李且將直
上雲霄士造菁莪罔不悉由月旦也忽於癸卯春奉檄調署卸篆遷陞錢贈臨歧徒切
攀劉之感珠還河浦空懷借寇之思念前番政化遼西村無犬吠盼他日恩邀闕北閣
爲圖麟爰附史筆褒忠之列用彰琴堂治亂之勳是爲重勒以冀永垂

建立石旗杆碑記

宣統元
年四月

居
士張經綸

蓋覆載之恩莫大於天地而賞罰之當莫過乎神明况城隍在祀典之正實國家所尊
禮而官民所敬畏者也至其當罰之默運真不啻日月之代明而容光必照不止見爲
賞者爲賞即不見爲賞者亦未嘗不寓夫賞見爲罰者爲罰亦未曾不寓夫罰默默中
之報施毫厘不爽誠有舉念而難欺者焉今因廟前舊有油木旗杆歷年未久屢被風
雨摧殘無足以壯觀瞻者久矣僧等不忍坐視因竭自己之囊資購立石旗杆一對以
爲堅凝不朽可昭永固此非所以邀福也不過全其職盡心焉耳矣故與勳舉之仁人

勒之於石以誌不朽云爰爲之作歌曰 堅以金剛可歷風霜形似砥柱上接天光時
或點頭叱叱成羊磨而不磷悠久無疆

欽加四品銜賞戴花翎在任補用直隸州準補復州調署義州知州汝公德政碑

宣統三年小陽

月吉
日立

舉
人吳國瑞

從來頌德歌功莫不有所託以垂諸久遠而民情嚮慕之淺深則視乎政治推行之難
易處郡縣無事之秋爲民牧者撫字有方催科無擾因而循良報最金石銘勳未嘗不
足以風當時而勵後世然其政既非舍舊而謀新斯其治猶可避難而趨易古所謂
吏稱其職民安其業者類皆與民休息之時勢使然耳若夫政憲初頒新章紛舉以官
倡自治若何開通風氣若何消弭風潮行擾民之政而實以利民孰有如我邑侯汝公
者乎公印作枚字次皋陝之富平人也以名進士官直隸宰新樂遷撫甯諸縣所至以
能吏稱今督憲趙前任東督時知公爲非常才檄調來奉委防營審判各要差歷署錦
西康平等廳縣歲已酉秋我前邑侯范公以辦畝捐不利去公繼攝州篆易操切爲寬
和變衝突爲恭順惟當時經濟困難新政幾無從著手以故巡警學堂有名無實公下
車後以爲警學乃地方自治之初基非切實整頓不可使必待款集而後辦事恐終無
觀成之日於是畫區域立規制汰冗濫簡賢能款項支絀設法借勢紳商却顧公顧公

毅然以身任之派員調查地畝設收捐處以董其事經營數月衆論翕然輸畝捐者踵相接以此擴充警學計全境馬步巡警多至六百餘名高初小學堂暨工藝女學建至百餘處論者以義境新政爲錦屬最非溢美之詞也而又設巡警教練所以講警章設師範簡易科以習教育設研究所以培自治之基礎設宣講所以廣士庶之見聞商會農會後先成立堡防預警更迭齊全禁煙既一律肅清防疫更倡捐廉俸修官署則罪犯亦知習藝栽街樹則市井皆講衛生凡事之有關自治者無不極力提倡而復開誠心布公道使士紳各效偏長而人無悞用俾僧道交輸公產而款不虛糜以及削除積弊規費悉除體恤民艱訟獄早結其有造於我邑者豈淺鮮哉歲庚戌辛亥兩春季皆將奉調回省我邑人一再籲留均蒙大憲批准是我公之賢聲旣已上聞我公之令名固當不朽爰刻石以表旣成之績卽銘心而爲未去之思然則茲碑之建非徒尋常之歌頌已也天下事有開必先亦極盛極難繼以我公熱心毅力能作始自能圖終尤望他日之繼蒞斯土者覩成規之具在策善政之進行使我邑人戴公之德者歷久而彌新焉斯足盡信今傳後之意也夫

民國

雙城縣忠勇祠碑記

民國五年十月

師範畢業舉人
任雙城縣知事
魏紹周

不佞蒞斯邦匝月矣每於披閱公牘之餘見夫軍警團因公殞命者冊籍相屬有給殯資者有給卹者其姓氏閭里事蹟強半闕焉不詳質諸現役亦罕有能通梗概者嗚呼喪元勇士孰是知名斷頭將軍幾忘姓字忠魂飄泊未隆禋祀之文烈骨沉埋反斬尊崇之禮庸詎非後死者之責耶不佞坐是思有以宣揚之而激勵之公暇進李警佐家鼎烏區長森往復商榷絀支不厭其簡爰就署內西北隅胡仙堂舊址略加修葺設軍警團從公效死諸君位歲時致祭宋韓世忠敵獻俘帝手書忠勇二字揭旗以賜之竊附崇褒忠勇之義額曰雙城縣忠勇祠非敢云昭示來茲亦藉以諷勸有位焉且夫天下之至難者莫死若也當其臨難疆場豈必無術以苟免而奮往不顧既非迫於事勢之無可如何度亦怵然於盜賊爲害之烈而激於一念忠義之誠耳寡我妻孤我子遺我父母而慷慨以赴之孰爲爲之孰令聽之而至於此耶上之非內相外將之尊次之不與守土之列食采封爵之報圖形繪像之榮雖愚者亦自知其莫或有也無所爲而死不必死可以不死而死其死尤不朽已不佞是舉亦聊以盡後死者之責而詎敢謂爲烈士之光也雖然一腔熱血百代馨香當以志士仁人所默許而感奮以興者乎

鄉賢胡君景星之紀念碑

民國九年陽歷六月穀旦立

附生任寶琛

蓋聞立德立功可以千秋不朽希賢希聖乃能百世流芳即有急於公益素具熱心而

能維持夫本教倡率於同人者亦可垂於久遠使非表白而鐫於佳石勒在貞珉何以仰芳徽於未艾哉如吾邑胡君篆瑞字景星者自清光緒十三年間甫及弱冠遂入清真寺襄成一切事宜凡寺中種種艱鉅籌畫設施無不躬肩其職熱心毅力衆方欣佩不遑孰意天下不祚漢忽於民國七年舊歷六月間胡君作古享壽五旬有一觀其經理寺院寒風冷雨三十載有餘心碎神焦未嘗稍懈每遇公益事務必首先提倡勉爲其難募款捐資毫無或吝迄今追思棠愛歌頌猶聞今復見碑碣不使剝蝕於風霜樹垣墉勿令荒涼於蔓草輝煌金碧寺院永見尊嚴圖畫丹青樓閣常昭巍煥入房櫳必清清靜靜觀樹木復鬱鬱葱葱至於齋醮修繕素存誠敬之真禮拜誦經普遂清潔之願守教也推爲領袖闔會也奉若典型此誠吾族中之卓卓者矣凡人作善皆始勤而終惰故靡不有初鮮克有終而胡君猶能歷久弗渝三十餘年如一日意奇士也閱及古史吾先民有功於唐唐人待吾亦不薄入中華數百餘年建樓列寺而能內則尊崇夫宗教外不抵觸於中華清慎堅貞至今猶不忘愛戴如胡君者能有几人乎今雖風微人往而崇碑建於寺內歌功揚善克表著長者之懿行豐碑樹於殿旁兵燹星霜不湮沒仁人之遺德闔會教長等念其勤勞嘉其成績亦惟使胡君之誼同里巷爭光與

河山並等云爾

義縣楊節婦劉夫人碑記

民國十年

周興南

已未之春團長虎臣張公謬探虛聲以興南委辱記室忝膺寵召從軍鄴城得識團部同事夢符楊君兆臣友誼肫摯昕夕聚處暇輒談及家事備聞其賢嫂劉夫人節孝事狀深敬慕之夫人姓劉氏奉天義縣閭家屯處士柏祥公女十九歲歸同邑新莊子屯楊公兆鳳爲繼室合卺未逾月兆鳳赴熱河經商熱河故嚴寒距義縣二百餘里冰天雪地墮指裂膚經冬未疾次年養疴旋里漸成痿痺夫人侍湯藥衣不解帶目不交睫無須臾廢离病劇之時常終夜焚香叩禱願減己壽而兆鳳卒不起夫人方二十歲也痛夫早夭屢欲身殉賴家防護終未得間遂矢志恪守婦道兼盡子職事翁與大翁備極孝思朝夕奉甘旨必誠必潔嫡姑早歿夫弟兆瑞兆臣尙未婚娶家事無鉅細難易皆躬自經營不以瑣屑累親心亦不以家計艱窘使夫弟廢學平素儉樸耐勞衣不御紈綺食不厭疏糲惟視親所欲及夫弟所需皆熟籌而豫備之朝饜暮鹽烹飪必親尺布寸縷補綴必周以及歲時祭祀戚友問饋賓客饌蔬凡醯醢菹脯酒餌漿醢之屬從未假手僕役尤復日操井臼夜勤紡織寒暑無少懈每歲針黹所積權子母累緇珠家漸饒裕而荆布裙釵安之若素太翁憫其艱苦常欲使諸姑諸婦分任勞逸仍始終委婉以順親心事繼姑尤極恭謹夫弟兆瑞授室兆臣舉茂材皆感激嫂氏之德兆瑞生

子連仲遵太翁遺囑繼兆鳳爲嗣子提攜捧負愛逾己出乃天不假年未五歲而殤夫
人亦哀痛成疾四十一歲而歿計孀居二十餘年相夫以恭事親以敬待兄弟以厚處
娣姒以和全始全終宗族鄉黨無間言辛酉之夏有司上其事蒙大總統賜字褒揚壽
諸貞珉夢符囑興南爲文記之未敢以謏陋固辭謹次其事實愧不足闡揚潛德於萬
一爰綴以詞曰凌溪之水嘉福之峰鍾靈毓秀篤生女宗彭城名媛歸於弘農幼憫母
訓四德三從鸞膠乍續鴻案塵封含冰茹檠截髮毀容純孝清節恪慎溫恭閭里矜式
庭闈肅雍褒揚盛典千載重逢刻辭勒石忝屬穉庸爰表雅操勁竹貞松

義縣楊節婦劉夫人碑記

民國十年

山東陸軍混成第五旅步
兵第十團書記官葛縣 周興南

節婦姓劉氏奉天義縣五道屯中和公次女幼字同邑新莊子屯楊明經書春之仲子
兆庚爲嫡配兆庚童年歧巍聰秀異常明經極鍾愛之甫六歲即與劉訂婚姻兩家資
產相埒也天降奇厄兆庚方八歲挫傷背脊家道亦徙落劉氏十七歲于歸椎髻布裙
與僕婦同操作事舅姑以孝處娣姒以和未嘗以蒿砧嬰疾稍失愛敬亦未嘗以環堵
蕭條稍露違言蓋德曜之遺風猶有存者越一歲生子寶善極得明經之歡悅明經敦
品勵學文行重一時蒙古名王咸執贄稱弟子擁皋比於邑王邸第士林引爲榮方冀
燕翼貽謀龍光寵錫衍詩書一脈之傳永紹箕裘乃兆庚復染沉疴早夭天年時劉氏

才十九歲屢欲身殉賴家人防護得免由是命途多舛家運乖違未數年叔子娣婦相繼溘逝遺一女纔周歲耳劉氏教養恩勤愛逾己出及明經復捐館舍伯子益難支持遂分居析爨劉氏上事慈姑下扶弱息以養親教子爲己任白髮在堂黃口在室極人世難堪之境悉萃於劉氏一身任其艱鉅針黹所得差堪餬口惟日以撫絮禦寒脫粟忍飢紡績至夜深不能成寐猶挑燈課子淚涔涔數行下也終歲飢寒交迫堂上之温飽無虞毫不以含冰茹檠稍易艱苦之節而一家長幼之死倚之事姑至七十八歲無疾而歿備官歛如儀喪葬盡禮寶善力不能讀改就工業姪女亦勉籌妝奩選嫁良門皆劉氏經營之力現年五十有八歲矣寶善授室生子一女一家漸饒裕人咸謂柏舟勵志梓舍增輝室家之慶有加宅里之旌未錫殊非所以彰潛德而發幽光歲在辛酉鄉人士臚舉事實由縣援例聲請蒙大總統題賜匾額給佩藍綬銀質褒章節婦之苦節完貞稍稍爆著而心亦頗堪自慰興南承同事楊君夢符之囑既叙其先嫂劉夫人節孝事狀勒諸貞珉復以堂兄嫂劉氏碑記見委不揣固陋援筆次其崖略並系以辭曰清白家風一門雙節金石同堅冰霜比潔表式鄉閭榮膺棹楔後先輝映鑒此隆碣

義縣城南新民屯公益義舉碑記

民國十四年閏四月十八日立

優附生 徐寶生

從來事不宣布無以俾衆周知詞不勒碑何以昭茲來許查本屯東南牧廠九百八十

二畝五分四厘業經民國元年繳價於民國三年升科我屯與石橋子三家子雖係合資共產而對於諸等花銷新民屯獨攤十分之六省縣各署均有案可查我屯即出鉅款無論何屯何人嗣後只許牧養取土葬坟分毫不准私自墾植是不惟文契如此立約即省縣均有此公文我屯理應如何遵守不可稍違且無論何時取土不准有害坟墓無論何時牧養不可稍傷樹木倘有明知故犯陽奉陰違輕則私令賠償重則送官究治再我屯東頭樹木無論何時取用只辦我屯公益不准少數人私自處理至於屯西長山子界內土廠一節於乾隆年間經我屯僧人購買二十五畝並經我屯民人施捨五畝前後三十畝業經本年春季照章升科永爲我屯公地公用不但不准本屯墾植並嚴防外屯與外人暗中侵吞加我屯西頭又買官道一條東至陳姓西至鐵路南北均至橫道究不准道旁地鄰稍微侵吞致碍交通有妨運轉事關公益當各懷遵第恐代遠年湮規模泊沒謹勒之於石以永垂不朽云

聶彤階先生懿行碑

民國十七年七月二十日義縣第三區紳商農學各界敬立

劉鼎

蓋聞崇揚孝義禮教所先昭銘景行旨深追遠是以林宗云亡州郡尊其有道太邱既沒庶士欽其令名今觀 先生事蹟殊有符合前賢者矣先生諱奉珊字彤階義縣東

區石佛堡人也稟河嶽之靈暉性聰明而篤實際述邇之時世志貞亮而彌堅學業精

勤弱入泮善誘能教仁而愛人孝行著稱於鄉党信義允孚於友朋及其筮仕也奉省之軍務實業歷經佐理興漁業於營海任法曹於凌川前後從政歷十餘年清勤明慎令績昭然迨賦詩歸來侍親課子孝慈之道備矣夫其燕居也持身方正懷抱熱誠毅力以勸善正言以釋紛勲勲焉懇懇焉偉乎其難縷述矣考其犖犖卓著而大有造於鄉邦者有清季世庚子歲義和團起到處騷然東一帶幾不聊生先生不避艱險維護桑梓請官府曉示鎮撫遏止亂萌百業賴以不敝四民由斯安居後進之士沒齒不忘焉語曰見義勇爲當仁不讓先生有之享年六旬以民國十七年夏歷六月己卯攫疾而終凡我鄉之人同深悲悼時切親慕乃相與崇其孝高其義咸思紀念之也於是集資刊石述其懿行俾令範垂於百世芳徽顯於無窮爰爲之銘曰 於皇先生稟賦真誠仁孝好義善莫與京行既正直學復淵塞哲人其萎于時靡則樹碑表德徽猷斯彰千秋萬世閭里之光

右碑共一百一十三篇